



EDISI  
**BM**

PERCUMA  
KDN PP11732/12/2012 (032229)  
UNTUK AHLI SAHAJA

MAC 2017

KEMAS KINI HARIAN UNTUK ANDA: BERITA, RENCANA, WAWANCARA, ANALISIS POLITIK SEMASA

[www.roketkini.com](http://www.roketkini.com)

DITUBUHKAN PADA 1966  
DI KUALA LUMPUR

# Rocket

[facebook.com/roketkini](https://facebook.com/roketkini)

[twitter.com/roketkini](https://twitter.com/roketkini)

[roketkini@gmail.com](mailto:roketkini@gmail.com)

**WAWANCARA: ZAID IBRAHIM  
SERTAI DAP**

> muka 13

[www.dapmalaysia.org](http://www.dapmalaysia.org)



## MENYINGKAP REALITI MELAYU PULAU PINANG

JELAJAH DESA BERSAMA KIT SIANG > 8,9



**NOTA EDITOR**

Suku pertama 2017 sedang pantas berlalu, dan kita semua sudah menggil ternanti-nani bila kiranya Perdana Menteri Datuk Seri Najib Razak akan membubarkan Parlimen dan memberi laluan kepada Pilihanraya Umum ke-14. Hal ini kita rasakan kerana sudah tidak lagi dapat menahan gejolak di rongga dada yang ingin melihat kerajaan pimpinan United Malays National Organisation melingkup jahanam tanpa sebarang kesan lagi.

Masakan tidak, apabila hari demi hari kita menghela nafas penuh benci dan sumpah seranah setiap kali mengisi minyak kenderaan, membeli barang keperluan bahkan ketika sarapan di kedai mamak berhampiran. Roti canai kian naik harga, atau paling tidak pun semakin mengecil saiznya, supaya harga kekal serupa. Teh tarik segelas sekarang sama harganya dengan tiga gelas teh tarik lima tahun dahulu. Darah siapalah yang tidak menggelegak?

Untuk itu kita semua saling tidak mampu menahan gelora untuk melayangkan jari tengah kepada parti pemerintah, lewat kertas undi dalam pilihanraya nanti. Asalkan bukan UMNO-Barisan Nasional.

Misi bersama rakyat Malaysia pada pilihanraya akan datang ialah memastikan UMNO pupus ditelan zaman. Malaysia dan rakyatnya hanya akan mampu mengecap kehidupan yang makmur bahagia tanpa UMNO di sisi. Inilah dia akar segala masalah - gerombolan yang saling memperkuuh kejahatan masing-masing sambil mendendangkan lagu perpaduan kaumnya disulami rasa meluat kepada kaum lain.

Tun Dr Mahathir, misalnya dalam satu acara di Kuala Kedah baru-baru ini dilaporkan berucap, mafhumnya 'Orang kata tak kenal maka tak cinta. Bila saya duduk dekat-dekat dengan Kit Siang, baru saya tau dia bukanlah hantu yang mcm saya sangka.' Cuba kalau Mahathir kekal dalam UMNO dan tidak menyertai barisan pembangkang; pastilah Lim Kit Siang terus dimomokkan sebagai si gila kuasa cauvinis Cina yang mahu jual negara kepada Singapura.

Pun begitu, tidak kurang juga bilangannya yang tidak mahu memihak kepada usaha menyelamatkan Malaysia daripada UMNO-BN, malah bertindak meminggir daripada kalangan orang yang sedang gigih menyusun serangan terhadap parti pemerintah itu. Di saat semua orang mengatur langkah mengatakan tidak kepada pemerintahan Najib Razak, ada pula yang memilih untuk menjadi 'kuasa ketiga' atau langsung meninggalkan saf perjuangan, hanya kerana perbezaan pendapat. Empat bekas wakil rakyat DAP di Melaka misalnya.

Kalau alasannya ialah kerjasama dengan Mahathir demi menewaskan UMNO itu berlawanan dengan prinsip, entah apalah prinsip dan tujuan yang mereka pegang.

Semoga rakyat Malaysia kekal istiqamah dengan perjuangan melawan pemerintahan parti Najib Razak. Semoga kita boleh tenang-tenang menuju sebuah negara tanpa United Malays National Organisation.

# PAS JANGAN PANDANG RENDAH PENGUNDI KELANTAN

OLEH LIEW CHIN TONG

**A**dakah kerajaan PAS benar-benar kukuh di Kelantan? Adakah UMNO bersedia untuk merampas semula negeri itu? Atau adakah bakal wujud kerajaan baru di Kelantan dalam bentuk Pakatan Harapan dan Bersatu pada pilihan raya umum yang akan datang?

Setelah lebih dua puluh kali lawatan saya ke Kelantan sejak 1993, termasuk untuk beberapa penyelidikan lapangan bagi menyempurnakan tesis ijazah saya mengenai PAS di antara 2002 dan 2004, saya sentiasa kagum dengan kecanggihan politik orang Kelantan.

Rakyat Kelantan memilih pentadbiran PAS berturut-turut di antara 1959 dan 1978, dan sekali lagi mulai 1990 sehingga hari ini. Sentimen kewilayahian Kelantan yang berkait rapat dengan politik persekutuan adalah faktor penting bagi pengundi Kelantan sejak dahulu hingga sekarang.

Dalam semua pilihan raya umum sejak kembali berkuasa pada 1990, kehadiran Tok Guru Nik Aziz – seorang ulama yang tegas dalam sikap rendah dirinya – menjadi faktor positif yang berterusan untuk PAS. Malangnya, ulama yang bijaksana ini tiada lagi bersama kita, sejak 2015.

Keunikan Kelantan termasuklah kekuatan rakyatnya menolak "momok Cina" ciptaan UMNO yang tidak masuk akal itu. Malah, cerita "takut dengan DAP" yang sering menjadi senjata ampuh UMNO di banyak kawasan majoriti Melayu, tidak pernah berkesan di negeri Cik Siti Wan Kembang kerana orang Kelantan mempunyai keyakinan diri yang lebih tinggi.

Walaubagaimanapun, dalam keadaan di mana PAS dilihat mempunyai hubungan rapat dengan UMNO sejak kebelakangan ini manakala UMNO buntu dengan Perdana Menteri Datuk Seri Najib Razak yang semakin tidak popular, PAS kini dilihat semakin hilang kekuatan kewilayahannya/ anti-persekutuan di mata ramai rakyat Kelantan.

Ramai rakyat Kelantan berhijrah dan menetap di Lembah Klang tetapi mereka masih mengundi di kampung halaman mereka. Kalangan penyelidik percaya bahawa lebih dari 20 peratus pengundi Kelantan tinggal di luar Kelantan. Biasanya mereka mengundi mengikut peralihan citarasa nasional – yang pada masa ini tidak memihak kepada Najib dan sesiapa yang bersekutu dengan Perdana Menteri.

Oleh itu, mitos bahawa PAS boleh menjadi penentu politik negara, sebagai satu kuasa ketiga,



**Keunikan Kelantan termasuklah kekuatan rakyatnya menolak "momok Cina" ciptaan UMNO yang tidak masuk akal itu. Malah, cerita "takut dengan DAP" yang sering menjadi senjata ampuh UMNO di banyak kawasan majoriti Melayu, tidak pernah berkesan di negeri Cik Siti Wan Kembang**

terutamanya kepada Pakatan Harapan, pada pilihan raya umum akan datang perlu dikaji semula. Entah bagaimana kalangan pemerhati politik melihat kekuatan PAS di Kelantan tanpa banyak penelitian mendalam.

Kajian yang lebih teliti sebenarnya mendedahkan senario yang sangat berbeza, mungkin juga mengejutkan kepada sesetengah orang. Dalam persaingan untuk menguasai Dewan Undangan Negeri Kelantan pada pilihan raya umum akan datang, PAS berada dalam kedudukan yang kabur untuk menyerlahkan kuasa ketiganya. Malah, PAS mungkin terpaksa membentuk satu pakatan pilihan raya dengan UMNO di Kelantan, sama ada secara sukarela atau demi kepentingan politik.

Dengan mengandaikan Amanah mampu memberikan cabaran serius kepada PAS di 10 daripada 33 kerusi Dewan Undangan Negeri miliknya manakala Bersatu mampu berbuat demikian di 5 daripada 12 kawasan Dewan Undangan Negeri milik UMNO, PAS dan UMNO tidak boleh

sewenang-wenangnya bertanding antara satu sama lain di mana-mana kerusi di Kelantan.

Dengan mengandaikan Amanah, Bersatu dan PKR tidak bertanding menentang satu sama lain tetapi membentuk satu gabungan yang mantap – melawan PAS atau UMNO, atau kedua-duanya, dalam pertandingan tiga atau empat penjuru – maka pihak yang bakal rugi besar bukanlah Pakatan Harapan dan Bersatu.

Jika PAS dan UMNO tidak dapat mencapai satu persetujuan untuk membentuk gabungan pilihanraya, dan mengambil keputusan untuk berlawan antara satu sama lain – sementara Pakatan dan Bersatu membentuk gabungan untuk meletakkan calon tunggal di setiap kerusi – tiada siapa yang dapat meramalkan dengan tepat keputusan pilihanraya di Kelantan nanti, terutamanya bagi kerusi-kerusi yang marginal, iaitu yang dimenangi dengan peratusan undi yang kecil.

Jika undi PAS dan UMNO kurang 10 peratus – kerana dikaitkan dengan Najib – dan mereka tetap mahu bertanding tiga penjuru, PAS mungkin kehilangan Kelantan manakala UMNO boleh mengucapkan selamat tinggal kepada impian mereka untuk menawan semula negeri itu.

Pada Pilihan Raya Umum 2013, kedua-dua PAS dan PKR mendapat 425,291 undi (55,26%) manakala Barisan Nasional 343,416 undi (44,62%). PAS memenangi 32 daripada 45 kerusi DUN manakala PKR menang DUN Guchil dengan hanya 49.9% undi.

Daripada 32 kerusi PAS, 13 dimenangi dengan kurang daripada 55% undi. Daripada 12 kerusi UMNO dalam DUN Kelantan, 9 dimenangi dengan kurang daripada 55% undi.

Dalam erti kata lain, 23 daripada 45 kerusi Kelantan – lebih sedikit daripada separuh – adalah kerusi bahaya untuk kerajaan PAS jika Pakatan Harapan dan Bersatu meletakkan satu gabungan yang mantap manakala UMNO dan PAS berlawan antara satu sama lain.

Jangan sekali-kali memandang rendah kebijaksanaan pengundi Kelantan. Saya telah bertemu dengan ramai orang Kelantan selama ini dan saya amat menghormati mereka. Jika berlaku perubahan citarasa di Kelantan, PAS dan UMNO akan terpaksa membentuk satu gabungan. Oleh itu, mitos PAS sebagai kuasa ketiga yang kuat hanya akan menjadi sebuah angan-angan.

\*Liew Chin Tong adalah Pengarah Pendidikan Politik Kebangsaan DAP dan Ahli Parlimen Kluang

# DAP, MELAYU DAN PRINSIP PERJUANGAN YANG TIDAK BERUBAH

Oleh WAN HAMIDI HAMID

Sebagai parti ideologi sosial demokrasi, DAP berteraskan kebebasan, keadilan dan solidariti. Memang dari segi amalan, tiada parti atau pertubuhan yang sempurna.

Namun masih ada orang, termasuk di dalam DAP sendiri, yang masih keliru dengan asas, prinsip dan perjuangan parti. Ada yang menyangka DAP telah tersasar, dan sanggup menuduh pimpinan parti terlalu menjaga hati orang Melayu dengan tunduk kepada "hegemoni Islam", dan takut dengan "Ketuanan Melayu".

Sehinggakan pemimpin veteran DAP, Lim Kit Siang, yang mahu menyelamatkan Malaysia daripada terjerumus ke dalam kancan negara gagal, telah dikecam oleh banyak pihak, termasuk penyokong-penyokong DAP sendiri. Ketua Parliment DAP itu telah dituduh sudah hilang pendirian dan lupa dengan perjuangan parti.

Mereka yang mengacam Kit Siang menuduhnya meninggalkan perjuangan DAP yang selama ini dikatakan mempertahankan hak kaum Cina. Beliau dituduh mengamalkan "political correctness" (kepatuhan kepada amalan politik semasa) semata-mata kerana mahu mendekatkan diri dengan orang Melayu yang merupakan kaum majoriti di Malaysia.

Apabila Kit Siang mencadangkan usaha bekerjasama dengan semua pihak termasuk bekas Perdana Menteri Tun Dr Mahathir Mohamad, dan para pemimpin Barisan Nasional, demi menyelamatkan Malaysia yang semakin parah dilanda krisis keyakinan, kemelut kepimpinan dan kegawatan kemelut ekonomi, tokoh veteran DAP itu dituduh tidak ikhlas dan hanya ghairah mahu memenangi undi Melayu. Ada juga pengkritiknya yang menuduh DAP tidak lagi berpegang kepada prinsip Malaysia milik rakyat Malaysia atau Malaysian Malaysia.

"Sesiapa yang lupa sejarah akan menerima musibah mengulanginya semula", kata ahli falsafah George Santayana. Apabila ego dan kesombongan serta keangkuhan "prinsip" dijadikan alasan untuk menyalahkan orang lain atau enggan bekerjasama demi kebaikan rakyat dan negara, ia mendedahkan kejahanan kita yang mungkin keliru tentang perbezaan di antara prinsip dan strategi/taktik.

## Apa pengajaran sejarah Jerman?

Negara Jerman pada awal tahun 1930-an yang telah melahirkan seorang pemimpin zalm dan sebuah parti serta ideologi yang meragut jutaan nyawa dalam Perang Dunia Kedua. Adolf Hitler dan parti Nazi yang bukan sekadar membunuh dengan kejam enam juta orang Yahudi tetapi juga mengorbankan berjuta-juta umat lain semata-mata mereka dianggap tidak berhak untuk hidup. Antaranya adalah bangsa Gipsi, golongan paderi, orang cacat, golongan LGBT, pemimpin kesatuan sekerja, golongan sosialis, komunis dan sosial



demokrat.

Dalam pilihanraya 1928, parti Nazi hanya menang 2.8% undi berbanding Parti Sosial Demokrat 29.8% dan Parti Komunis 10.6%. Yang menjadi masalahnya, Sosial Demokrat dan Komunis enggan bekerjasama, malah menganggap masing-masing sebagai musuh utama. Lebih dari itu, pada mulanya, kedua-dua parti itu menganggap Hitler dan Nazi sebagai bodoh serta gila publisiti, dan hanya kumpulan rasis yang angan-angan kuasa. Kedua-dua parti progresif itu yakin golongan kelas pertengahan dan kaum pekerja tidak akan terpengaruh dengan retorik perkauman Hitler.

Namun, kerana terlalu benci antara satu sama lain, mereka tidak sedar bahawa masalah ekonomi Jerman menyebabkan hujah-hujah perkauman Hitler yang menyalahkan kaum Yahudi serta kaum-kaum bukan keturunan Arya sebagai punca kemelut kehidupan rakyat Jerman, mula menarik perhatian rakyat majoriti negara itu. Sedangkan ramai kaum Yahudi merupakan sebahagian daripada kelas pekerja dan kelas pertengahan Jerman.

Apabila berlaku krisis politik Jerman, satu lagi pilihanraya diadakan pada 1930 di mana Nazi mencatat keputusan mengejutkan, iaitu meningkatkan sokongan daripada 2.8% kepada 18.3%, malah menarik sokongan undi daripada Sosial Demokrat, manakala Komunis bertambah menjadi 13.1%. Pada saat itu, jika Sosial Demokrat dan Komunis bergabung, undi yang mereka kongsi adalah lebih kukuh, iaitu 37.6%.

Apabila krisis politik berterusan, dua lagi pilihanraya diadakan pada 1932, tetapi Sosial Demokrat dan Komunis tetap saling membenci, menyebabkan rakyat kecewa dan beralih kepada Nazi yang mencatatkan lebih 33% undi. Pada saat itu terbukti rakyat Jerman yang sudah termakan dengan dakyah Nazi. Selepas itu dengan kuasa yang ada, Hitler dan Nazi bebas menahan semua penentang rejim serta kaum-kaum dan golongan-golongan yang dibenci mereka tanpa bicara, malah disiksa.

Bayangkan jika Sosial Demokrat dan

undi kaum Cina di Malaysia. Keadaan bertambah buruk apabila kerajaan UMNO-BN yang semakin kotor politiknya telah mengurangkan kerusu-kerusi majoriti pengundi Cina melalui persempadan semula. Cara untuk melawannya ialah mengubah kerajaan. Ia hanya dapat dicapai apabila DAP bekerjasama dengan parti-parti lain untuk membawa perubahan. Inilah demokrasi pelbagai parti.

Jika kempen menyelamatkan Malaysia seperti yang diusahakan oleh Kit Siang melalui kerjasama semua pihak dianggap sebagai pengkhianatan prinsip, maka DAP bakal tersingkir ke alam politik serpihan. Pada saat itu DAP akan hanya menang sorak kampung tergadai. Jika ahli dan pemimpin DAP benar-benar yakin dengan hak saksama, maka mereka perlu keluar daripada tempurung "mangsa" atau "minoriti". Mereka adalah warga saksama atau equal citizen. Mengapa perlu kembali kepada garisan pemisah mengikut kaum atau agama? Hak saksama bukan sekadar kaum; ia merangkumi kesaksamaan gender, hak negeri, peluang dan pelbagai lagi.

Lebih 50 tahun Kit Siang berjuang. Beliau dikutuk, diancam, dihina, difitnah dan disumbat ke dalam tahanan tanpa bicara sebanyak dua kali oleh pemerintah yang zalm. Sedikit pun semangatnya tidak luntur. Semoga mereka – terutama yang muda – tidak sewenang-wenangnya memuntahkan kata-kata kesat terhadap pemimpin besar ini.

Di bawah pemerintahan UMNO-BN memang wujud jurang yang semakin luas antara kaum dan agama, malah antara wilayah. DAP tetap berjuang menentang hegemoni politik ini. Namun jalan penyelesaiannya bukan untuk kembali ke tempurung kaum masing-masing seperti yang berlaku sejak sebelum Merdeka. Solidariti adalah satu jalan keluarnya.

Tanpa solidariti, mana-mana rejim mudah menghancurkan perjuangan rakyat. Kata-kata ahli agama Kristian Jerman, Martin Niemöller, sewaktu mengenang tragedi pembunuhan beramai-ramai kaum Yahudi atau Holocaust yang dilakukan oleh rejim Nazi, mengingatkan kita agar tidak terlalu mementingkan diri.

"Mula-mula mereka (Nazi) datang menangkap komunis, aku diam sahaja kerana aku bukan komunis;

Kemudian mereka datang menangkap pemimpin pekerja, aku diam sahaja kerana aku bukan pemimpin pekerja;

Kemudian mereka datang menangkap sosialis, aku diam sahaja kerana aku bukan sosialis;

Kemudian mereka datang menangkap Yahudi, aku diam sahaja kerana aku bukan Yahudi;

Dan apabila mereka datang untuk menangkap aku, sudah tiada orang yang bersuara untukku."

\*Wan Hamidi Hamid adalah mantan Ketua Pengarang The Rocket

# Dakwaan PAS disanggah Exco Agama, Melayu dan Islam terbela di Pulau Pinang

GEORGE TOWN: Kepentingan kaum Melayu dan agama Islam di Pulau Pinang terbela di bawah pimpinan kerajaan Pakatan Harapan.

Menurut Exco agama Islam Pulau Pinang, Datuk Abdul Malik Kassim, sejak Pakatan Harapan mengambil alih pentadbiran daripada Barisan Nasional (BN) pada 2008, syiar Islam terus berkembang subur jauh melebihi sewaktu kerajaan terdahulu.

Beliau membuat kenyataan demikian pada 30 Januari lalu bagi menyanggah dakwaan semberono Presiden PAS, Datuk Seri Abdul Hadi Awang yang menuduh kerajaan Pulau Pinang gagal membela kepentingan Melayu dan Islam negeri itu.

"Mana mungkin, Presiden PAS gagal melihat pencapaian dan pembaharuan ketara antara kerajaan Pakatan Harapan Pulau Pinang dengan kerajaan Barisan Nasional sebelum ini."

"Hakikatnya, syiar Islam terus subur di Pulau Pinang di bawah pentadbiran Pakatan Harapan yang diterajui oleh DAP dan PKR. Melayu dan Islam akan terus terbela di Pulau Pinang," katanya.

Abdul Malik berkata, belanjawan bagi hal ehwal agama Islam pernah mencecah sehingga 300 peratus melebihi bajet agama sewaktu Pulau Pinang ditadbir oleh kerajaan yang diketuai parti Gerakan iaitu rakan politik Umno.

Tindakan itu katanya telah menyebabkan pemimpin Gerakan-BN mengelam secara terbuka pentadbiran kerajaan negeri, khususnya DAP kerana menyalurkan bajet agama yang besar berbanding zaman BN.

"Bajet agama ini, sehingga kini tidak kurang daripada keperluan semasa."

"Selaku Exco Agama, saya ingin memaklumkan perkembangan pendidikan Islam khususnya Sekolah Agama Rakyat, KAFA, Maahad Tahfiz, Pondok dan TADIS terus dibantu berdasarkan keupayaan kewangan negeri," umum beliau.

Selain bajet tahunan untuk Hal Ehwal Agama, kerajaan PH Pulau Pinang juga jelas Abdul Malik menydiakan bajet khusus untuk institusi pendidikan Islam negeri itu.

"Sehingga kini, lebih RM14 juta telah disalurkan untuk tujuan itu. Bahkan guru-guru dan kakitangan institusi pendidikan Islam menerima bonus tahunan yang tidak pernah diterima sebelum ini."

"Bajet dan sumbangan itu, tidak termasuk pembinaan masjid, surau dan sekolah agama yang dibiayai oleh kerajaan negeri yang ketara berbanding kerajaan terdahulu," katanya.

Jelas beliau, sejak PH mengambil alih pentadbiran Pulau Pinang, semakin banyak program-program agama diperkenalkan.

**"Bajet agama ini, sehingga kini tidak kurang daripada keperluan semasa"**

- DATUK ABDUL MALIK KASSIM  
EXCO AGAMA ISLAM P. PINANG

Selain itu, kerajaan Pulau Pinang juga telah mengumumkan untuk membina Hospital Islam setinggi 14 tingkat, yang pertama di negeri ini dan akan dimulakan pada Mac depan dijangka siap dalam tempoh 3 tahun.

Manakala, pembinaan Sekolah Islam Antarabangsa Pulau Pinang pula katanya akan dimulakan pada pertengahan tahun ini.

Menurutnya lagi, kerajaan negeri sebelum ini juga telah menganugerahkan sebidang tanah bernilai lebih RM80 juta bagi pembinaan Ibu Pejabat Mahkamah Syariah setinggi 7 tingkat di Jalan Scotland.

Pentadbiran negeri yang diketuai Lim Guan Eng juga telah mengambil contoh pentadbiran Khalifah Umar Abdul Aziz yang telah melaksanakan polisi 'amar maaruf nahi mungkar' dan pembasmian kemiskinan.

"Atas semangat itulah, kerajaan negeri melaksanakan 'Program Pembasmian Kemiskinan Tegar' bagi menghapuskan miskin tegar di kalangan rakyatnya, tanpa mengira kaum dan agama."

"Kerajaan Negeri memperkenalkan program 'Agenda Ekonomi Saksama di mana Keluarga yang berpendapatan di bawah RM750 sebulan, akan dibantu secara bulanan. Lebih 1000 keluarga yang dikenalpasti, 90 peratus adalah Melayu Islam," ujarnya.

## Kerajaan Pakatan Harapan pastikan rakyat tidak terbeban

GEORGE TOWN: Ketua Menteri Pulau Pinang, Lim Guan Eng mengumumkan pengecualian cukai pintu kepada pemilik rumah kos rendah, rumah sederhana rendah dan rumah kampung serta penyerapan enam peratus cukai barang dan perkhidmatan (GST).

Katanya, pengecualian cukai yang bakal ditanggung Majlis Bandaraya Pulau Pinang (MBPP) dan Majlis Perbandaran Seberang Perai (MPSP) dan melibatkan penyerapan kos hampir RM55.19 juta itu adalah bukti bahawa kerajaan negeri amat prihatin dengan bebanan yang ditanggung rakyat.

"Kami (kerajaan Pakatan Harapan) tahu bahawa ekonomi di tahap yang teruk, rakyat sengsara akibat skandal RM52 bilion 1MDB. Nilai matawang jatuh. Kerajaan Persekutuan

tidak ada duit dan terpaksa melaksanakan GST yang membebankan rakyat Malaysia," katanya.

Katanya, langkah ini adalah berbeza dengan Kerajaan UMNO-Barisan Nasional yang memungut enam peratus cukai daripada rakyat tanpa memikirkan kesan yang terpaksa ditanggung mereka.

Bukan itu sahaja, kutipan tol di Lebuhraya Utara-Selatan dan tol Jambatan Pertama Pulau Pinang akan dihapuskan jika Pakatan Harapan memenangi Pilihan Raya Umum ke-14 (PRU14) akan datang.

Menurut Guan Eng, yang juga Setiausaha Agung DAP, perjanjian konsesi tol Lebuhraya Utara-Selatan sepatutnya tamat pada 2018, namun ia dilanjutkan tempoh selama 20 tahun sehingga 2038.

Perkara sama berlaku kepada perjanjian asal konsesi tol Jambatan Pertama Pulau Pinang yang dilanjutkan selama 20 tahun lagi.

"Sedangkan, hasil kutipan tol sehingga akhir 2015 berjumlah RM36.3 bilion. Kos pembinaan sebenar Lebuhraya Utara-Selatan hanya RM5.9 bilion.

"Kalau menang di Putrajaya, baru kita ada kuasa untuk melakukannya. Menang kerajaan Negeri saja tidak cukup kuasa untuk menghapuskan tol dan cukai GST," katanya.

Guan Eng berkata demikian dalam Majlis Pemberian Insentif Perkhidmatan Pemandu Teksi dan Operator Bas Sekolah.

Pada majlis berkenaan, seramai 405 pemandu teksi dan operator bas sekolah dari Seberang Perai menerima insentif

perkhidmatan berjumlah RM300 setiap seorang manakala 1,291 yang lain dari kawasan Pulau Pinang telah menerimanya.

Kesemua mereka akan memperoleh sumbangan sebanyak RM300 lagi pada sesi pembayaran hujung tahun ini, menjadikan keseluruhan insentif perkhidmatan tahunan berjumlah RM600.

Menurut Guan Eng, semua pembayaran itu berjaya diteruskan kerajaan kerajaan negeri menjalankan pentadbiran bersih yang tidak mempunyai unsur rasuah atau penyelewengan sehingga mampu menyediakan insentif kepada seluruh rakyat.

"Tiada negeri lain di Malaysia selain Pulau Pinang yang menyediakan bayaran insentif kepada semua pemandu teksi yang berdaftar," ujarnya.

## Tiada satu rumah mampu milik pun dibina bawah skim Kerajaan Persekutuan

GEORGE TOWN: Kerajaan Pakatan Harapan Pulau Pinang sekali lagi membuktikan kredibilitinya sebagai kerajaan yang mengutamakan rakyat apabila berjaya membina sebanyak 20,887 unit rumah mampu milik sejak 2008.

Malah, jumlah itu terus meningkat apabila sebanyak 65,796 unit lagi akan dibina dalam tempoh 10 hingga 15 tahun akan datang, jelas Exco Perumahan Pulau Pinang, Jagdeep Singh Deo.

Sebaliknya, tidak ada satu unit rumah

mampu milik pun dibina di bawah skim perumahan kerajaan Persekutuan, PR1MA dan PPA1M di Pulau Pinang walaupun ia dijanjikan berulang kali oleh BN sejak 2013.

"Kerajaan Pakatan terbukti sediakan perumahan mampu milik, ini menjelaskan semuanya," katanya kepada pemberita dalam sidang akhbar hari ini.

Menurut Adun Dato Keramat itu, jumlah unit rumah mampu milik yang dibina kerajaan negeri saat ini jauh

lebih banyak berbanding di bawah pemerintahan BN sebelum ini (2000-2007) yang hanya membina sebanyak 5,124 unit.

Beliau turut menyindir Menteri Wilayah Persekutuan, Datuk Seri Tengku Adnan Mansor yang dianggap sebagai 'tersalah langkah' apabila menjadikan isu rumah mampu milik di Pulau Pinang sebagai modal mewajarkan negeri itu ditukar kepada Wilayah Persekutuan.

Malah, beliau menegaskan tuduhan

Ku Nan bahawa orang Melayu 'terabai' di Pulau Pinang juga amat mengarut dan tidak berasa kerana hampir separuh daripada unit tersebut diperuntukkan kepada kaum Melayu.

Berdasarkan statistik terkini, seramai 5,686 Melayu, 3,029 Cina, 872 India dan 36 yang lain-lain menduduki rumah kos rendah di negeri itu manakala 2,188 Melayu, 3,498 Cina, 550 India dan 30 yang lain-lain pula bagi rumah kos sederhana rendah.

# Pulau Pinang jadi Wilayah Persekutuan: Ku Nan seperti penjajah

GEORGE TOWN: Ketua Menteri Pulau Pinang Lim Guan Eng menentang keras sebarang cadangan untuk menjadikan negeri itu sebagai Wilayah Persekutuan.

Melahirkan rasa terkejut dengan cadangan Menteri Wilayah Persekutuan, Tengku Adnan Mansor pada 1 Februari lalu, Guan Eng menyifatkan cadangan tersebut merupakan suatu tipu helah dan tidak masuk akal sama sekali.

Lebih-lebih lagi ia dibuat tanpa sebarang perbincangan dengan negeri-negeri yang disebutkan.

"Saya takkan jual Pulau Pinang. Hanya orang yang hilang akal akan cakap macam ini."

"Nak serahkan satu negeri jadi Wilayah Persekutuan ini tak masuk akal, pelik dan amat janggal. Pulau Pinang takkan bincang mengenai perkara ni," tegasnya kepada media.

Jelas Guan Eng, cadangan itu juga bercanggah dengan Perlembagaan Persekutuan kerana dilihat memberi ancaman terhadap perpaduan negeri-negeri dalam Persekutuan Malaysia.

"Apa yang dikatakan (Ku Nan) tanpa sebarang rundingan mengancam perpaduan dan persekutuan Malaysia.

"Ini boleh dianggap sebagai hasutan. Sebab anda mengancam perpaduan persekutuan Malaysia," katanya dalam sidang media pada 2 Februari lalu.



Menurut beliau, Perlembagaan Persekutuan telah menyenaraikan bahan negeri Johor, Kedah, Kelantan, Melaka, Negeri Sembilan, Pahang, Pulau Pinang, Perak, Perlis, Sabah, Sarawak, Selangor dan Terengganu merupakan negeri-negeri dalam persekutuan.

Selain Pulau Pinang, Ku Nan yang juga Setiausaha Agung Umno itu juga mencadangkan Langkawi dan sebahagian dari Melaka untuk menjadi Wilayah Persekutuan.

Persekutuan.

Beliau turut dilaporkan berkata bahawa negeri-negeri tersebut akan berasa gembira untuk diserahkan sebagai Wilayah Persekutuan kerana akan mendapat perhatian dan peruntukan yang lebih dari kerajaan.

"Kami tidak gembira langsung dan kami tidak mahu menyerahkan satu negeri jadi Wilayah Persekutuan. Ini tidak boleh diterima.

"Saya nak nyatakan di sini bahawa saya

tidak mahu jadi Ketua Menteri Pulau Pinang yang terakhir.

"Beliau (Ku Nan) nyatakan bahawa akan boleh bagi lebih banyak wang (peruntukan). Itu Kementerian Wilayah Persekutuan mana ada wang boleh bagi lagi. Skandal 1MDB buat sampai semua tak ada wang.

"Khazanah Malaysia sudah kering kontang, malah RM50 juta yang dijanji kepada SRJK pada 2016 sehingga tahun ini pun tak boleh bagi. Mana ada wang lagi kalau 50 juta pun tak ada!" tegas Guan Eng.

Beliau percaya negeri seperti Kedah dan Melaka juga tidak mahu menyerahkan sebahagian kepada kawasannya untuk jadi Wilayah Persekutuan.

"Pulau Pinang takkan bincang mengenai perkara ni. Saya terkejut dengan kenyataan bahawa kita akan gembira (jika serah negeri jadi Wilayah Persekutuan).

"Macam mana kita boleh gembira, rundown pun tidak? Macam mana kita boleh gembira apabila kita rela jadi negeri kita pupus?" soalnya lagi.

Tindakan Ku Nan itu kata Guan Eng umpsama seorang penjajah yang mahu meluaskan empayar kekuasaannya.

"Dia macam seorang penakluk. Menakluk beberapa wilayah untuk menambah empayar iaitu empayar Kementerian Wilayah Persekutuan," katanya lagi.

## Polis digesa siasat 'hasutan' perkauman

Oleh SYAZANA HASANUDIN

KUALA LUMPUR: Satu laporan polis dibuat terhadap Menteri Wilayah Persekutuan, Datuk Seri Tengku Adnan Tengku Mansor supaya pihak polis menyiasat sama ada wujud unsur hasutan.

Laporan oleh Setiausaha DAP Wilayah Persekutuan Kuala Lumpur, Lim Lip Eng dibuat berikutan cadangan menteri tersebut yang mahu supaya Pulau Pinang dimasukkan ke dalam Wilayah Persekutuan untuk

'membantu' kaum Melayu yang kononnya ditindas.

Tohmahan jahat mendakwa kononnya kerajaan negeri Pulau Pinang tidak mempedulikan kaum Melayu itu dibuat ketika Adnan atau lebih dikenali sebagai Kun Nan berucap dalam Majlis Khatam Al-Quran Wilayah Persekutuan 2017 Sabtu lalu seperti dilaporkan media.

Realitinya kata Lip Eng, dakwaan Setiausaha Agung UMNO itu langsung tidak berasas dan meminta kerajaan menjelaskan

perkara tersebut.

"Tuduhan Ku Nan itu turut dilaporkan oleh portal rasmi kerajaan, Bernama.

"Jadi saya minta perdana menteri jelaskan kenyataan beliau. Adakah kenyataan Ku Nan itu bersifat peribadi atau mewakili Putrajaya?" katanya kepada pemberita di luar Ibu Pejabat Polis Dang Wangi sebentar tadi.

Ahli Parlimen Bukit Gelugor, Ramkarpal Singh yang turut hadir berkata tuduhan Ku Nan itu amat serius dan boleh menimbulkan kekecohan di kalangan rakyat berbilang

kaum di negara ini.

"Bagaimana seorang menteri seperti Ku Nan boleh buat kenyataan seperti itu? Tuduhan Ku Nan bahawa kerajaan negeri Pulau Pinang tidak pedulikan orang Melayu amat dangkal dan tidak berdasar.

"Beliau cuba merendah-rendahkan kredibiliti kerajaan negeri dengan kenyataan seumpama itu.

"Jadi, kita harap pihak polis akan menyiasat kenyataannya tanpa sebarang rasa takut atau kepentingan," jelasnya.

## Steven Sim kongsi kisah gembira peniaga Pulau Pinang

Oleh FATIH HASSAN NORDIN

BUKIT MERTAJAM: Ahli Parlimen Bukit Mertajam, Steven Sim dalam catatan di laman sosial Facebooknya berkongsi khabar gembira seorang peniaga Melayu di kawasannya.

Peniaga berkenaan yang sebelum ini menjaja tanpa lesen di tepi jalan dan diminta pindah ke Pasar Awam Kampung Baru dekat sini mengaku kini selesa dengan lokasi baru yang disediakan Kerajaan Negeri Pulau Pinang itu, kata Steven.

"Mereka dulu menjaja tanpa lesen di tepi jalan, tapi 'dihalau' masuk ke dalam Pasar Awam Kampung Baru.

"Hari ini bila saya melawat pasar awam, si taukeh jabat tangan saya gembira. Beliau dan isteri tak perlu lagi takut menjaja tanpa lesen, ada tempat tetap dan selesa,

business pun amat baik," tulisnya dalam kemaskini yang turut memuatkan gambar beliau dan peniaga tersebut.

Peniaga itu, katanya, turut bermurah hati memberikan sebungkus nasi lemak kepada pekerjaannya untuk dikirimkan kepada beliau.

"Terima kasih, rezeki pagi Sabtu. Tapi saya tidak mengharapkan apa-apa, hanya (berharap) agar mana-mana pemfitnah yang selalu menipu kata Melayu ditindas di Pulau Pinang insaf," tambahnya.

Beberapa pemimpin UMNO-Barisan Nasional dan PAS sebelum ini menyerang kerajaan negeri dengan dakwaan peniaga kaum Melayu di Pulau Mutiara itu kononnya ditindas.

Antara yang lantang menuduh ialah Presiden PAS, Datuk Seri Abdul Hadi Awang dan Menteri Wilayah Persekutuan, Datuk Seri Tengku Adnan Tengku Mansor.



# LAMAN PANAS

## 1 ZAID IBRAHIM SERTAI DAP

DAP merupakan parti keempat yang dianggotai mantan Menteri di Jabatan Perdana Menteri itu selepas UMNO, Parti Keadilan Rakyat (PKR) dan Parti Kesejahteraan Insan Tanah Air (KITA).

Penyertaannya itu turut disaksikan Presiden Parti Pribumi Bersatu Malaysia (PPBM) merangkap bos lamanya, Tun Dr. Mahathir Mohamad.



## 3 KU NAN CADANG PULAU PINANG JADI SEBAHAGIAN WILAYAH PERSEKUTUAN



Cadangan tidak mengikut Perlembagaan dan mengugat kedaulatan negeri itu dibidas pihak pembangkang sebagai cubaan untuk merampas negeri Pulau Mutiara tersebut secara paksa selepas Barisan Nasional dalam dua pilihan raya umum yang lalu telah gagal menawan semula negeri berkenaan daripada Pakatan Harapan.

## 5 NSTP DIDENDA RM300,000 SIAR ARTIKEL FITNAH LIM GUAN ENG

Artikel yang disiarkan dalam akhbar Berita Harian itu memfitnah Menteri Pulau Pinang itu melakukan rasuah dalam urusan penjualan Taman Manggis.

Ia bukanlah kali pertama media yang dikawal parti pemerintah Barisan Nasional disaman beratus-ratus ribu ringgit kerana menyebarkan berita palsu terhadap pihak pembangkang.



## 7 TAN SRI ANNUAR MUSA DISIASAT SPRM



Selain dakwaan penyalahgunaan kuasa dan penyelewengan dana, Pengurus Majlis Amanah Rakyat (MARA) berkenaan turut digantung tugas oleh pihak pengurusan. Ia diperdayai atas dakwaan tajaan ‘secara paksa’ MARA dan Universiti Kuala Lumpur (UniKL) untuk Persatuan Bola Sepak Kelantan (Kafa), kelab di mana beliau pernah menjadi Presiden.

## 9 DONALD TRUMP SEKAT TUJUH NEGARA MAJORITI ISLAM MASUK AS


Langkah tidak demokratik yang dilaksanakan Presiden Amerika Syarikat itu mendapat tentangan hebat masyarakat dunia. Di Malaysia, di saat perdana menterinya berdiam diri terhadap diskriminasi yang ditunjukkan Trump itu, DAP sebuah parti yang sering dimomokan sebagai anti-Islam sebaliknya mengambil inisiatif menghantar memorandum membantah sekatan tersebut.

## 2 JAMAL BAWA KATIL KE SUK

Selepas bertuala dengan niat ingin tumpang mandi di bangunan pejabat setiausaha kerajaan negeri (SUK) Selangor, Jamal Yunos yang dikenali seluruh negara dengan gimik pelik, sekali lagi hadir ke pejabat berkenaan membawa hampir sedozen katil bujang sebagai ‘usaha’ untuk membanteras aktiviti maksiat rumah urut.



## 4 MINYAK NAIK 20 SEN! NETIZEN LEPAS GERAM DI FB NAJIB



Netizen yang jelas marah dengan kenaikan mendadak harga bahan api itu menghujani ruang komen Facebook rasmi Perdana Menteri, Datuk Seri Najib Razak dengan “20 sen”.

## 6 CHIN PENG BUKAN SEPUPU LIM KIT SIANG

“Chin Peng atau nama lainnya Ong Boon Hua berketurunan Hockchia dan dilahirkan di Sitiawan pada 21 Oktober 1924. Lee Kuan Yew adalah seorang bersuku Hakka dan dilahirkan di Singapura pada 16 September 1923. Saya pula berketurunan Hokkien dan lahir di Batu Pahat pada 20 Februari 1941. Bagaimana mungkin boleh kami jadi sepupu?” ujar Lim Kit Siang dalam satu sidang media bulan lalu.



## 8 TIGA KANAK-KANAK MATI LEMAS DI LOMBONG TINGGAL BAUKSIT

Nureen Ain bersama dua rakannya yang merupakan adik-beradik Salsabila Zuhairi, 12, dan Mahathir Mohamad, 7, ditemui mati lemas di kolam bekas lombong bauksit di Taman Sungai Karang Jaya di Beserah. Pihak pembangkang sebelum ini menentang keras perlombongan tersebut ekoran pencemaran udara dan alam sekitar.



# Harga minyak dunia jatuh, tapi mengapa harga petrol Malaysia naik?

KUALA LUMPUR: Mengapa rakyat Malaysia terpaksa berdepan kenaikan drastik harga minyak petrol sedangkan harga minyak mentah dunia menurun pada Januari lalu?

Setiausaha Publisiti DAP Kebangsaan, Tony Pua berkata, tidak ada alasan kukuh kerajaan mewajarkan kenaikan harga petrol bermula 1 Februari lalu, tambahan pula ia telah pun meningkat sebanyak 0.20 sen seliter pada bulan lepas.

“Semasa harga petrol naik pada Januari, ia boleh difahami kerana harga minyak mentah dunia meningkat (dari AS\$51.48 kepada AS\$56.73) pada bulan Disember.

“Tapi sekarang minyak mentah Brent menurun kepada AS\$55.86. Jadi mengapa harga petrol meningkat pula?” kata Ahli Parlimen Petaling Jaya Utara itu.

Menurut Tony, nilai mata wang Ringgit yang lemah juga tidak boleh dijadikan alasan kepada kenaikan tersebut, kerana Ringgit dilihat sedikit kukuh untuk bulan Januari berbanding bulan-bulan sebelumnya.

“Oleh itu, Perdana Menteri mestilah menjelaskan langkah menaikkan harga petrol ini. Atau adakah kerajaan sebenarnya mengenakan cukai tersembunyi kepada pengguna kerana bajet tidak cukup?

“Melalui kenaikan itu, adakah sebenarnya rakyat ‘dipaksa’ membayar untuk semua projek ‘mesra rakyat’, supaya kredit untuk semua projek itu kemudiannya diperoleh oleh kerajaan pimpinan Najib?” soalnya.

Harga petrol RON95 dan RON97 masing-masing meningkat sebanyak 20 sen bermula 1 Februari kepada RM2.30 dan RM2.60. Manakala harga minyak diesel meningkat sebanyak 10 sen kepada RM2.15.

Jika naik pun, sepatutnya 3.8 sen

Menjawab kepada persoalan dilontarkan Tony, Pasukan Komunikasi Strategik BN diketuai Datuk Abdul Rahman Dahlan, tidak perlu menjelaskan panjang lebar



untuk mengaburi mata rakyat bagi menutup tindakan kerajaan mewajarkan kenaikan harga petrol.

Sebaliknya, mereka hanya perlu memberi maklumat sebenar bagaimana kerajaan menaikkan 20 sen harga minyak secara mendadak sehingga membebankan rakyat.

Jelas Tony, berdasarkan penjelasan pasukan komunikasi BN sendiri, perbezaan harga minyak pada Januari hanyalah 3.8 sen.

“Kalau begitu, saya nak tanya mengapa kerajaan menaikkan sehingga 20 sen?” soalnya dalam satu kenyataan pada 1 Februari lalu.

Mereka menjelaskan bahawa harga dikira dari purata harga minyak ditapis yang diukur menggunakan sistem harga

**Jelas Tony,  
berdasarkan  
penjelasan pasukan  
komunikasi BN sendiri,  
perbezaan harga  
minyak pada Januari  
hanyalah 3.8 sen.**

berdasarkan tukaran nilai RM4.48 bagi setiap satu dolar Amerika.

Bagi bulan Januari pula, purata harga bagi MOPS95 sedikit meningkat pada AS\$68.820 setiap tong atau AS\$0.4328 seliter menjadikannya RM1.9130 seliter berdasarkan tukaran nilai RM4.32 bagi satu dolar Amerika.

“Kementerian Kewangan perlu dedahkan adakah kerajaan mengenakan cukai tersembunyi kepada pengguna untuk menutup kekurangan dana kerajaan?

“Sekali lagi saya menggesa kerajaan mendedahkan maklumat yang tepat bagaimana kenaikan ini boleh berlaku supaya rakyat Malaysia tahu mengapa mereka terpaksa menderita akibat dasar-dasar kerajaan ini,” katanya.

## Kerajaan disaran tetapkan harga siling untuk petrol

KUALA LUMPUR: Kerajaan UMNO-Barisan Nasional disaran menetapkan harga siling minyak bagi mengimbangi mekanisme apungan terkawal yang digunakan kerajaan ketika ini untuk menentukan harga bahan api tersebut.

Ahli Jawatankuasa DAP Selangor, Young Syefura Othman berkata, langkah itu perlu dilaksanakan bagi meringankan beban yang bakal ditanggung rakyat jika harga minyak mentah dunia berterusan meningkat pada masa akan datang.

“Malah, jika benar dikatakan pendapatan kerajaan juga akan meningkat mengikut pergerakan harga minyak dunia, saya menyeru agar lebihan pendapatan digunakan untuk membantu rakyat.

“Walaupun berdasarkan mekanisme apungan terkawal, saya mendesak kerajaan agar mewujudkan had untuk harga minyak yang perlu dibayar oleh rakyat, satu harga siling,” katanya dalam satu kenyataan.

Selain itu, katanya yang juga Penolong Setiausaha Wanita DAP, Bantuan Rakyat

1Malaysia (BR1M) harus diberikan setiap tiga bulan dengan kadarnya ditingkatkan sewajarnya selaras dengan kenaikan harga minyak.

Katanya, ia setimpal dengan dasar UMNO-BN sebelum ini yang enggan memberikan subsidi minyak atas alasan kononnya ingin membantu golongan sasaran berpendapatan rendah.

“Sekiranya kerajaan boleh naikkan harga minyak setiap bulan, saya menuntut kerajaan bukan hanya beri BR1M setiap tiga bulan, tetapi naikkan jumlah pemberian BR1M setiap tiga bulan, seadilnya!

“Jika perkara ini pun tidak terjangkau dek akal kuasawan-kuasawan di Putrajaya, maka sudah masanya Putrajaya dibersihkan dan digantikan dengan kerajaan baru,” tegasnya yang lebih mesra dipanggil Rara.

Ahli Majlis di Majlis Perbandaran Kajang itu menambah, rakyat juga sudah muak dengan alasan UMNO-BN yang sering kali menyogok propaganda murahan ‘harga



**“Walaupun berdasarkan  
mekanisme apungan  
terkawal, saya desak  
kerajaan agar mewujudkan  
had untuk harga minyak  
yang perlu dibayar oleh  
rakyat, satu harga siling”**

**YOUNG SYEFURA OTHMAN  
- AJK DAP SELANGOR**

minyak Malaysia paling murah di rantau ini’ tanpa memberikan sebarang penjelasan jujur lagi terperinci.

“Kerajaan sepatutnya betul-betul mengeluarkan data, angka dan pengiraan yang dilakukan untuk menetapkan harga

minyak.

“Kenapa perlu berahsia dengan rakyat? Adakah perkara itu termasuk dalam perkara yang perlu dirahsiakan atas alasan mampu menggugat keselamatan negara?” soalnya.

## MENYINGKAP HAKIKAT SEBENAR MASYARAKAT MELAYU DI PULAU PINANG

# JELAJAH DESA BERSAMA LIM KIT SIANG

Oleh IZMIL AMRI

Ada air mata yang menitis pagi itu, ketika duduk bersimpul di sebelah Ketua Parlimen DAP, Lim Kit Siang; usai kenduri lauk kampung, dengan hidangan ikan bakar, air asam, gulai lemak siput dan nasi putih panas-panas.

Wanita pertengahan usia itu tidak sempat menyeka air mata yang jatuh ke dagu, hatinya rasa terharu setelah perjuangan 43 bulan membuatkan hasil yang begitu menggembirakan.

Ketua Menteri Pulau Pinang, Lim Guan Eng hadir ke Kampung Permatang Tok Subuh pagi itu, dengan membawa khabar gembira yang langsung tidak diduga. Mereka ditawar rumah baru, dengan harga yang luar biasa rendah, buat mengganti rumah sedia ada yang bakal diroboh.

Rumah baru mereka akan dibina di sebuah tanah milik kerajaan negeri, setelah perjuangan menuntut hak akhirnya berakhir di mahkamah, dan keputusan memilih kepada pemaju.

Hasil usaha murni persatuan penduduk dengan kerjasama daripada pihak kerajaan negeri, Kampung Permatang Tok Subuh ternyata tidak akan lenyap angkara tangan-tangan kaum pmodal, yang hanya tahu mengira untung, sambil mengeneppikan perasaan manusia.

Namun itu sajalah tidak cukup untuk membuat air mata penduduk Tok Subuh tumpah ke tanah.

### Tempat harimau, anakonda

"Saya tak sangka yang Lim Kit Siang akan sanggup mai ke kampung kami. "Dulu siapa pun tak tau tentang Kampung Tok Subuh. Sini dulu ada rimau dengan anakonda saja," ujar Pak Jab, jejak berusia emas yang digelar akademik oleh penduduk setempat.

Perasaan yang sama turut disambut anak-anak mahasiswa yang bersetuju bahawa tindakan Kit Siang hadir ke ulu banat Bukit Minyak itu adalah cocok dengan sikap negarawan yang dibawa oleh Ahli Parlimen Gelang Patah tersebut. Memang bukan kerja dia untuk merantau dari Utara ke Selatan, sedangkan kawasan beliau lebih hampir ke Tambak Johor sana.

Usahanya untuk memecah tembok tembok perkauman dan melarai persepsi jahat anti-Melayu Islam, ternyata menggugat pihak lawan. Apatah lagi dengan khabar angin bahawa pilihanraya umum bakal dijangka bakal tidak lama sahaja lagi.

Kit Siang masuk ke kampung Melayu, bertemu orang ramai yang selama ini hanya melihatnya di kaca televisyen, dengan dibingkai dan dimormok sebagai "si komunis cauvinis Cina" yang mahu menjahannamkan negara, menjualnya kepada Singapura, dan membina daulah Kristian di Malaysia.

Orang kampung ternyata tidak terusik barang sedikit pun dengan fitnah-fitnah itu. Bahkan mentertawakan segala

propaganda yang dibikin aparat media tradisional yang diberi makan oleh United Malays National Organisation.

Penduduk Kampung Tok Subuh seakan kelu lidah membisu, selain memanjatkan rasa syukur dengan tawaran yang diberikan kerajaan negeri Pulau Pinang, yang selama ini disifatkan kononnya sebagai syaitan yang cuba menghalau habis setiap orang Melayu yang adalau dari pulau itu.

Hakikatnya kerajaan Pakatan Harapan yang diketuai Setiausaha Agung DAP terbabit bahkan sanggup berlaga angin dengan pihak pemaju tanah berkenaan. "Pemaju tak layan Kerajaan Negeri kerana dia kata, dia pun ada kerajaan. Kerajaan yang lagi tinggi," ujar Guan Eng, mengenang kembali kronologi perjuangan pihak pemaju terhadap usaha kerajaan membela nasib penduduk.

"Selagi kerajaan Pakatan ini milik rakyat, kita akan pastikan Kampung Permatang Tok Subuh kekal hingga selama-selamanya," tegas beliau, membidas sikap pemaju yang cuba menggunakan pengaruh mereka dalam kerajaan pusat untuk menindas penduduk.

### Demokrasi Sosial, bela rakyat miskin

Ucapan Guan Eng itu mengingatkan saya kepada temuramah dengan Penasihat DAP Dr Chen Man Hin, ketika ditanya kenapa memilih ideologi kiri dalam memperjuangkan sebuah negara milik seluruh rakyat Malaysia.

"Kita memilih jalan sosial. Kita mahu bantu orang miskin," katanya dalam wawancara sempena ulang tahun DAP yang ke-50 tahun lalu.

Adalah tidak benar untuk menuduh DAP sebagai parti pro pemaju, dengan sekadar menghalakan muncung senjata ke arah pembangunan pesat yang sedang berlangsung di Pulau Pinang, tanpa mengambil kira program-program kebajikan yang dilaksanakan oleh kerajaan negeri bagi membela nasib rakyat berpendapatan rendah di negeri itu.

Apatah lagi dengan mengesampingkan usaha-usaha kerajaan untuk membela nasib penduduk kampung yang berhadapan pengusiran paksa oleh kaum pmodal, seperti dalam kes Kampung Tok Subuh.

Ahli Parlimen Bukit Mertajam, Steven Sim dalam perkongsian Facebook selepas acara tersebut berkata beliau masih ingat bagaimana kali pertama beliau melawat kampung itu dan disambut dengan suasana suram.

"Saya masih ingat lagi ucapan saya masa itu (tiga tahun lalu) kepada mangsa pengusiran paksa Kampung Tok Subuh. (Saya kata) kalau kalian nak 'settle', kita bantu 'settle' sama pemaju."

"Kalau kalian nak lawan, kita lawan sama-sama," katanya yang telah bersama-sama berjuang dengan penduduk kampung tersebut sejak dari mula.



Di Sungai Gelugor, Melayu keluar UMNO, sokong DAP

ini disangkanya sama sebiji seperti yang digambarkan oleh aparat propaganda UMNO. Beliau tidak lelah menguntumkan senyuman setiap kali memandang 'YB' dan mengucapkan terima kasih kerana sudi datang bertemu penduduk kampung.

"Sepanjang lapan tahun lalu kita telah melihat begitu banyak propaganda terhadap DAP. Kononnya kita ini anti-Melayu dan anti-Islam."

"Hanya orang bodoh sahaja yang akan berani untuk menentang Melayu dan Islam. Kerana kita mahu berjaya dalam politik dan berkhidmat untuk semua rakyat Malaysia," ujar Kit Siang dalam sidang media selepas acara tersebut.

Katanya, rakyat Malaysia, tidak kira lah keturunan apa pun, hanya mempunyai satu cita-cita untuk melihat negara ini berjaya. Di peringkat akar rumput, masalah-masalah perkauman yang dijawab dengan beliau, yang bahkan berteru budi saudara senegara jauh di luar kawasan sendiri.

Pen

"Saya telah melihat, sepanjang tempoh dua hari ini bahawa rakyat di bawah mempunyai pertimbangan yang jauh berbeza berbanding beberapa kerat pemimpin politik yang mempunyai kepentingan politik tersendiri.

"Anak-anak muda yang menyertai konvoi Kit Siang juga tidak kurang terpesona dengan sosok pemimpin 76 tahun usia ini, yang pertama kali ditemui di luar kaca televisyen."

Haji Marasik, Pengurus JKJK Sungai Gelugor kelihatan gigih mengatur pergerakan konvoi motosikal pagi itu. Usai majlis makan tengah hari di rumahnya, kami lepak di bawah bumbung bengkel motor kelolaan beliau serta anak-anak untuk beliau setempat.

"Saya

"Saya dulu pun UMNO. Tapi saya rasa ni ni UMNO tipu budak-budak ni semua."

"Dapat janji bayar seratus, bawak budak-budak motor ni pi demo. Dapat lima puluh saja. Lina puluh lagi pi mana?" soalnya, garang.

Pak Marasik juga tidak dapat menahan rasa gembiran bertemu Kit Siang, yang selama

SIRI MENJAWAB FITNAH TERHADAP DAP:

# DI PULAU PINANG, AZAN BERKUMANDANG SETIAP WAKTU

Entah apalah bala telah menimpa umat negara ini sehingga boleh mempercayai fitnah dengan begitu mudah, tanpa sebarang usul periksa. Mungkin kerana Pulau Pinang itu Ketua Menterinya Cina, dan kerusi kerajaannya majoriti DAP, maka mesti terus percaya segala tohmah dan pembohongan yang dilempar orang terhadapnya.

Beberapa tohmahan terhadap kerajaan negeri kini sedang diulang-siar, dengan harapan untuk mengaburi mata orang ramai daripada melihat kebobrokan yang dirintis oleh pucuk pimpinan negara, dalam skandal-skandal kewangan berskala global.

Tulisan ini adalah permulaan kepada siri menjawab fitnah-fitnah tersebut.

Fitnah ‘tidak boleh azan di Pulau Pinang’ adalah antara fitnah paling menggarut dan tidak masuk akal yang pernah direkayasa oleh puak pemakan dedak, hatta ia terus menjadi buah mulut orang sehingga masuk tahun 2017, lima tahun sejak fitnah itu dimulakan.

Ya, lima tahun lalu, pada bulan Ramadan 2012 akhbar milik UMNO, Berita Harian melaporkan di muka hadapan bahawa Pulau Pinang melarang penggunaan pembesar suara pada waktu Subuh.

Berhari-hari pejabat Ketua Menteri, pejabat Exco agama, Jabatan Mufti mengadakan sidang media untuk memperjelas isu terbabit.

Namun sehingga tahun ini pun masih belum selesai orang menyebarkan kembali fitnah yang sudah tidur itu. Hatta segala lebai dan alim pun turut sama menuduh bahawa Pulau Pinang sudah tidak benarkan laungan azan.

Mereka yang percaya dengan fitnah ini, barangkali perlu makan kismis minda yang dibacakan 30 Juzuk Al-Quran dan dibasuh dengan air zam-zam.

Untuk meleraikan gundah umat Melayu yang malas ambil tahu ini, kami pergi sendiri ke Pulau Pinang untuk membuat tinjauan dan merakam bukti-buktinya bagi membunuh tuduhan dangkal puak-puak pemakan dedak tersebut.

**“Macam mana kata Pulau Pinang tak boleh azan, sedangkan kita buat pertandingan azan”**

- NASRUDIN PENIAGA



**“Hai dakkk.. Sini azan hari-hari... “Tak pernah dilarang nak azan di mana-mana pun. Boleh azan, semua okey”**

- HAJJAH BEDAH SURI RUMAH



Pagi-pagi Jumaat kami turun ke Kampung Melayu, Air Itam dan bertemu Hajjah Bedah ketika beliau baru sahaja selesai membeli keperluan harian di perkaran rumah pangsa yang menempatkan nasi kandar paling sedap di wilayah tadbiran DAP itu.

## “Sini azan hari-hari”

“Dah makan nasi kandaq belum?” tanya beliau, sambil kami menyiapkan perkakas rakaman video.

Disoal apa benar tidak boleh azan di Pulau Pinang, wanita ini pantas mengerutkan dahi, dan menggelengkan kepala. “Hai dakkk.. Sini azan hari-hari,” katanya, seolah-olah tidak percaya kami akan sanggup bertanya soalan sebodoh itu kepadaadanya.

“Tak pernah dilarang nak azan di mana-mana pun. Boleh azan, semua okey,” tambahnya.

Menurut Hajjah Bedah lagi, penduduk setempat lebih mudah mempelajari ilmu-ilmu agama, ekoran masjid dan surau di Pulau Pinang yang diimarahkan

dengan pelbagai kemudahan dan program.

“Kat masjid negeri tu tiap-tiap minggu ada kuliah.

“Makcik balik ikut belah kampung, nak buka puasa, pukul lapan dok tunggu azan, tak azan-azan lagi,” tambahnya, menceritakan pengalaman di luar negeri Pulau Pinang.

Lain pula respon Encik Nasarudin, seorang peniaga Uptown Perda.

“Itu saya rasa cerita tu, ‘hearsay’ disampaikan daripada satu pihak ke satunya pihak.

Mengarut, berniat jahat

“Saya bukan takut tak boleh azan, saya takut tak ada orang nak azan,” katanya, menjawab persoalan serupa. Boleh dilihat dari riak wajahnya, betapa merepeknya tuduhan yang dilemparkan kepada Kerajaan Negeri Pulau Pinang itu.

Beliau malah menganjurkan pertandingan azan untuk kanak-kanak, di Taman Selat, Butterworth. Selain melatih kanak-kanak untuk berani dan mempertingkat keyakinan diri, ia juga

bertujuan untuk menangkis fitnah itu.

“Macam mana kata Pulau Pinang tak boleh azan, sedangkan kita buat pertandingan azan.

“Budak-budak ni esok nak pi azan di mana?” soalnya sambil menahan ketawa, menyifatkan tuduhan tersebut sebagai mengarut dan berniat jahat.

Tuduhan larangan azan, seperti juga tuduhan pengusiran kampung Melayu, dan perobohan gerai Melayu tidak lain merupakan modus operandi United Malays National Organisation, untuk bermain dengan api perkauman, dan membangkitkan rasa tidak senang orang ramai di luar Pulau Pinang terhadap DAP, yang terus menerus dilabel sebagai anti-Melayu dan anti-Islam.

Apa kata anda berkunjung ke Pulau Pinang dan saksikan dengan mata kepala sendiri, bagaimana Pulau Mutiara ini telah berubah sejak lapan tahun lalu, setelah pentadbiran negeri diambil alih oleh kerajaan Pakatan.

Semoga kita semua tidak akan dibutakan mata dan hati daripada menyaksikan kebenaran.

## Rani Kulup pun baca akhbar Rocket

Acara lepak santai sambil minum teh tarik di Gombak itu menyaksikan segerombolan lelaki Melayu pertengahan usia, bersongkok, gendut dan garang misainya tiba-tiba kelihatan manja dan tersipu-sipu, menyambut kedatangan Ketua Parlimen DAP, Lim Kit Siang.

Kit Siang dijadual beraksi malam itu bersama Naib Presiden Parti Pribumi Bersatu Malaysia, Datuk Rashid Asari, serta pengerusi Amanah Wilayah Persekutuan, Dr Hatta Ramli.

Gerombolan lelaki Melayu pertengahan usia ini semua memakai pakaian merah, sisa-sisa kenangan daripada parti keramat yang telah ditinggalkan namun masih melekat sebagai identiti parti cap bunga raya pimpinan bekas Perdana Menteri, Tun Dr Mahathir Mohamad.

Meski dengan baju merah, songkok tinggi, misai tebal dan berperwatakan panglima Melayu pantang dijentik itu; semua kelihatan sejuk hati berhadapan Kit Siang yang pernah dianggap musuh tradisi. Segala kanta perkauman penuh kebencian yang digunakan

untuk memandang Kit Siang sebagai komunis, anti-Melayu, anti-Islam, cauvinis Cina, dan segala yang buruk-buruk selama ini habis tertanggal semua.

Inilah lambang Kit Siang sebagai seorang pemberani, yang sanggup membuka jalan perpaduan dan meleburkan pagar-pagar besi perkauman, berbanding mereka yang sedikit penyegan dan malu-malu mahu berinteraksi keranakekangan-kekangan komunikasi, budaya dan sebagainya.

Acara anjuran DAP malam itu seakan diambil alih seluruhnya oleh gerombolan parti baru Mahathir. Penuh muka-muka totok UMNO yang sedang perlahan-lahan bertatih menuruti langkah yang telah dirintis Kit Siang sejak 51 tahun lalu.

Sangat comel. Seperti melihat anak-anak kecil yang baru belajar berjalan, setelah lelah dipimpin tangannya sejak Reformasi 1998.



# TIGA KEBIMBANGAN UTAMA SEBELUM BERSEMBANG TENTANG TRANSFORMASI NASIONAL

Oleh YEO BEE YIN

Dalam ucapannya di Persidangan Kepimpinan dan Aspirasi Nasional, Ketua Pemuda UMNO Khairy Jamaluddin berkata bahawa kebimbangannya yang paling besar menuju Transformasi Negara 2050 (TN50) adalah cara fikir, sikap dan kesedaran sivik rakyat Malaysia.

Saya rasa ini menarik, bahawa antara begitu banyak cabaran yang kita hadapi sebagai sebuah negara, ini rupa-rupanya yang menjadi kebimbangan terbesar beliau dalam rangka transformasi negara. Memandangkan TN50 adalah bersifat konsultatif, berikut adalah tiga kebimbangan terbesar saya tentang Malaysia menjelang 2050, untuk rujukan pihak menteri.

## Kebimbangan Pertama: Kleptokrasi dengan demokrasi yang kian goyah

Demokrasi Malaysia kian goyah – wujud penipuan dalam pilihanraya, institusi yang memastikan pemisahan kuasa telah rosak dan kebebasan bersuara disekat. Goyahnya demokrasi telah mengundang kelahiran kleptokrasi dalam tahun-tahun kebelakangan ini. The Economist dengan cemerlangnya telah menanggapi hal ini dalam perenggan awal salah satu rencananya tentang Najib Razak dan skandal 1MDB,

*"A round of applause, ladies and gentlemen. Any typical leader of a typical democracy, when found with nearly \$700m of ill-explained money from an unnamed foreign donor in his accounts, would experience a swift and fatal fall. Yet, nearly two years after news first broke that Najib Razak's bank balance had been thus plumped up, his high-wire act continues."*

"Fenomena Najib Razak" tidak wujud sekilip mata, ia malah merupakan hasil demokrasi yang tidak berfungsi dan telah hilang upaya semak-imbang. Demokrasi kita bukan lagi sebuah "demokrasi biasa".

Dalam demokrasi biasa, perubahan kerajaan adalah suatu kemungkinan dalam setiap kitaran pilihanraya. Malaysia kekal sebagai salah satu daripada negara-negara demokrasi di dunia yang tidak mengalami perubahan kerajaan. Perwakilan tidak sekata dalam sempadan pilihan raya (gerrymandering) memberi Barisan Nasional (BN) kelebihan pilihanraya yang besar.

Walaupun kalah undi popular kepada pembangkang, BN memenangi pilihanraya umum lepas dengan 60% kerusi Parlimen dengan bantuan daripada persempadanan kawasan pilihanraya yang tidak adil.

Lebih teruk lagi, Suruhanjaya Pilihan Raya (SPR) mencadangkan satu pelan persempadanan semula kawasan pilihan raya pada bulan September 2016 yang akan memberi lebih banyak kelebihan lagi kepada BN.

Apabila SPR tidak bebas dan pilihan raya boleh ditipu, kerajaan yang dipilih tidak lagi akan takut kepada rakyat.

Dalam demokrasi biasa, terdapat pemisahan kuasa yang sebenar. Sejak skandal 'derma' RM 2.6 bilion Perdana Menteri bermula, mantan Peguam Negara Tan Sri Abdul Gani Patail dan bekas bos Suruhanjaya Pencegahan Rasuah Malaysia (SPRM) Tan Sri Abu Kassim Mohammed, yang sejak awal mengetuai siasatan

skandal di agensi masing-masing, telah tidak lagi memegang jawatan tersebut; manakala Pengerusi Jawatankuasa Kira-Kira Wang Negara (PAC) Datuk Nur Jazlan, yang sepatutnya mengetuai penelitian legislatif ke atas cabang eksekutif kerajaan, telah dinaikkan pangkat menjadi timbalan menteri dan digantikan dengan Pengerusi PAC "cari makan" Datuk Hasan Arifin. Institusi yang sepatutnya bertindak secara bebas untuk menyediakan semak-imbang terhadap kuasa eksekutif telah dikuasai (atau 'dibeli' dalam kes Nur Jazlan) oleh Putrajaya.

Dalam demokrasi biasa, wujud kebebasan bersuara. Walau bagaimanapun, ia kian ditindas di Malaysia. Malaysia terus berada pada kedudukan 140 lebih, dalam kalangan kira-kira 180 buah negara dalam Indeks Kebebasan Akhbar bagi tahun-tahun kebelakangan ini.

Berbekalkan Akta Mesin Cetak, kerajaan telah bertindak menggantung lesen percetakan media yang melaporkan berita yang tidak memihak kepada mereka seperti akhbar The Heat selepas ekoran edisinya dengan tajuk muka depan "All eyes on big-spending PM Najib" pada bulan Disember 2013 dan kemudian akhbar The Edge ekoran pendedahan mengenai skandal 1MDB pada Julai 2015.

Daripada memansuhkan Akta Hasutan seperti yang dijanjikan pada tahun 2012, Najib Razak menggunakan undang-undang yang memindas ini untuk menghancurkan suara-suara yang membantahnya. Selepas kalah undi popular dalam pilihan raya umum lepas, undang-undang tersebut telah kerap disalahguna dengan lebih daripada 176 kes hasutan direkodkan sejak 2013 berbanding sekitar 30 kes antara tahun 2009 hingga 2012.<sup>[i]</sup>

Oleh itu kebimbangan kedua saya ialah bagaimana kita mewujudkan ekonomi yang cemerlang dan makmur yang berfungsi untuk semua rakyat di negara ini, bukan golongan elit sahaja.

## Lebih menyedihkan, walaupun dengan keputusan buatan ini, kita masih ketinggalan dalam skor purata global sebanyak 490 dalam matematik dan 493 untuk kedua-dua membaca dan sains.

buruh kepada ekonomi yang didorong oleh inovasi dan ekonomi berdasarkan pengetahuan.

Adalah mustahil untuk Malaysia menjadi sebuah negara berpendapatan tinggi tanpa mengatasi masalah struktur ekonomi semasa yang terlalu bergantung kepada pekerja kurang mahir yang dibayar murah dan kelompongan pekerjaan dengan kemahiran pertengahan.

Di samping itu, kesenjangan ekonomi semakin meningkat dalam kalangan rakyat Malaysia. Walaupun pekali Gini Malaysia telah menunjukkan peningkatan, dengan kejatuhan dari 0.46 dalam 2004 ke 0.40 pada tahun 2014, banyak petunjuk kesenjangan lain mencadangkan sebaliknya.

Sebagai contoh, bahagian 1% terbesar daripada akaun Kumpulan Wang Simpanan Pekerja (KWSP) memegang 15% daripada jumlah simpanan KWSP manakala bahagian 50% terbahar hanya memegang sekadar 8% daripada jumlah simpanan KWSP.

Oleh itu kebimbangan ketiga saya ialah bagaimana kita mewujudkan ekonomi yang cemerlang dan makmur yang berfungsi untuk semua rakyat di negara ini, bukan golongan elit sahaja.

## Kebimbangan 3: Sistem pendidikan yang kian lumpuh

Pendidikan adalah tulang belakang sesebuah negara kerana ia mempersiapkan generasi akan datang yang bakal memacu ekonomi dan memimpin negara. Walau bagaimanapun, Malaysia terus berada pada kedudukan satu pertiga terbahar dalam Program Penilaian Pelajar Antarabangsa (PISA), penilaian antarabangsa yang dibuat 3 tahun sekali bagi pelajar berusia 15 tahun dalam subjek matematik, membaca dan sains. Malaysia telah mengambil bahagian dalam PISA sejak 2009 dan kita telah mencatatkan pencapaian di bawah purata global sejak itu, kedudukan 55 daripada 74 negara pada tahun 2009 dan 52 daripada 65 negara pada tahun 2012.

Namun disaat apabila kita merasakan telah mencapai beberapa peningkatan pada 2015, mencapai skor 446 dalam matematik, 431 dalam membaca dan 443 dalam bidang sains berbanding 421, 398 dan 420 masing-masing pada tahun 2012, kita mendapat bahawa keputusan itu tidak diiktiraf oleh PISA kerana kadar tindak balas data Malaysia hanya 51%, kurang daripada keperluan 85% PISA.

Malaysia menjadi satu-satunya negara di kalangan 72 negara yang mengambil bahagian dalam PISA yang digugurkan daripada kedudukan rasmi. Adalah jelas bahawa sekolah-sekolah yang mengambil bahagian dalam PISA adalah lebih-diwakili oleh sekolah berprestasi tinggi, menimbulkan kesangsian besar bahawa kerajaan Malaysia telah cuba untuk menipu bagi mendapatkan skor PISA yang lebih tinggi!

Lebih menyedihkan, walaupun dengan keputusan buatan ini, kita masih ketinggalan dalam skor purata global sebanyak 490 dalam matematik dan 493 untuk kedua-dua membaca dan sains.

Bagaimana kita boleh menjadi 20 negara teratas dunia dalam tahun 2050 apabila kebanyakan anak-anak kita belajar dalam sistem pendidikan yang tercorot di peringkat antarabangsa, sehingga kerajaan terpaksa menipu untuk membuat keadaan nampak lebih baik?

Oleh kerana standard pendidikan awam yang semakin merosot, ramai ibu bapa beralih pula ke sekolah swasta atau antarabangsa untuk memberikan pendidikan yang lebih baik untuk anak-anak mereka.

Walaupun bukan sebuah negara yang kaya, Malaysia kini berada di kedudukan negara ke-8 paling mahal di dunia untuk pendidikan antarabangsa [viii]. Jika pendidikan awam lebih baik mutunya, adakah ibu bapa akan menghabiskan begitu banyak wang untuk menghantar anak-anak mereka ke sekolah swasta atau antarabangsa?

Pendidikan adalah alat penyamaan kedudukan sosio-ekonomi yang hebat tetapi kita melihat satu trend bahawa anak-anak mereka yang berada dengan yang miskin sedang menjalani sistem pendidikan yang mempunyai standard yang sama sekali berbeza. Ini akan meluaskan jurang antara golongan kaya dan miskin di masa akan datang.

Walaupun berupaya melahirkan graduan berpendidikan tinggi dalam angka yang besar, graduan Malaysia seolah-olah tidak memenuhi permintaan pasaran kerja.

Ironinya, 1 dalam 4 penuntut yang menamatkan pengajian masih menganggur selepas enam bulan tamat pengajian pada tahun 2015. Pendek kata, universiti kita tidak dapat melahirkan graduan yang diperlukan ekonomi dan graduan tidak terlatih dengan kemahiran yang akan membolehkan mereka untuk mendapatkan pekerjaan yang baik.

Oleh itu, kebimbangan ketiga saya ialah bagaimana untuk kita mempunyai pendidikan yang menghasilkan tenaga kerja yang berdaya saing dan memangkitkan kemajuan mobiliti.

Negara kita sedang di ambang kemasuhan oleh kerana kleptokrasi dengan demokrasi yang goyah, dan kita perlu segera untuk memperbaiki ekonomi yang sedang kebukan dengan kesenjangan yang semakin menjadi-jadi serta sistem pendidikan yang melumpuhkan. Adakah kita benar-benar mahu bercakap tentang kesedaran sivik sebagai kebimbangan terbesar dalam soal transformasi negara? Saya tidak fikir begitu. – Roketkini.com

\*Yeo Bee Yin ialah ADUN Damansara Utama merangkap Ahli Jawatankuasa Eksekutif Sosialis Muda (DAPSY).



## KENYATAAN BERSAMA PEMIMPIN PAKATAN HARAPAN DALAM SIDANG MEJA BULAT SELAMATKAN MALAYSIA

Malaysia kini bermasalah besar. Kita telah menjadi 'terkenal' di seluruh dunia. Tahun lalu, sebuah laman web antarabangsa, foreignpolicy.com, telah mengisyiharkan Malaysia sebagai negara yang berada di kedudukan ketiga di peringkat global yang mengalami "skandal korupsi terburuk pada 2015". Majalah Time pada Mac tahun lalu pula menamakan Malaysia sebagai negara yang kedua terburuk di dunia dalam korupsi global. Pada Mei tahun lalu, Malaysia 'naik' ke tangga kedua, di belakang Russia, dalam indeks kapitalisme kroni yang disenaraikan oleh majalah The Economist.

Malaysia juga dimahkotakan sebagai kleptokrasi global selepas Jabatan Kehakiman Amerika Syarikat (DOJ) membuat keputusan menyita harta terkait 1MDB berjumlah lebih US\$ 1 bilion di Amerika Syarikat, United Kingdom dan Switzerland akibat konspirasi kleptokrasi yang melibatkan kecurian dan pengubahan wang haram dana 1MDB sebanyak lebih US\$ 3.5 bilion.

Individu-individu yang berkaitan dengan pengubahan wang 1MDB telah pun dihadapkan ke mahkamah dan dijatuhi hukuman di Singapura. Siasatan berkaitan dengan 1MDB kini sedang dijalankan di sekurang-kurangnya sembilan negara, tidak termasuk Malaysia. Aset-aset yang berkaitan dengan para individu yang telah didedahkan dalam skandal 1MDB sudah pun dibekukan di beberapa negara.

Malaysia kini 'terkenal' dengan kleptokrasi global. Yang menyediakan, di negara kita sendiri, ketua-ketua pegawai kerajaan termasuk Peguam Negara dan Ketua Polis Negara hanya sekadar mencuci tangan daripada skandal ini dengan mengisyiharkan tiada orang yang didapati bersalah walaupun bukti-buktii kukuh telah dikemukakan oleh Ketua Audit Negara.

Kita di Malaysia sedang berada di tahap yang amat membimbangkan. Bagi membuang label kleptokrasi global yang amat memalukan ini, kita rakyat Malaysia – tanpa mengira kaum, agama, bahasa, wilayah, gender, usia atau ideologi – mesti bekerjasama untuk Selamatkan Malaysia.

Kita berkumpul di sini untuk meraikan ulangtahn hari lahir ke-114 esok buat Tunku Abdul Rahman, Bapa Merdeka



dan Perdana Menteri kita yang pertama. Sudah pasti Tunku, jika masih bersama kita, akan terkejut besar dengan keadaan di mana Malaysia sudah menjadi kleptokrasi global dan sedang menuju ke arah negara gagal, negara penyangak.

Sudah tentu cara terbaik untuk kita meraikan ulangtahn hari lahir Tunku ini adalah dengan menyatakan pendirian jelas yang disaksikan oleh semua rakyat Malaysia dan warga global, iaitu kita bertekad untuk Selamatkan Malaysia daripada dibelenggu kleptokrasi global serta daripada terjerumus menjadi negara gagal, negara penyangak.

Malaysia perlu menerima hakikat wujudnya skandal 1 Malaysia Development Berhad (1MDB) untuk memastikan ia tidak lagi menghantui negara dan 30 juta rakyat Malaysia. Kerajaan mesti menubuhkan Suruhanjaya Siasatan Diraja untuk memastikan setiap sen daripada 1MDB ditemui kembali, dan menyelamatkan Malaysia daripada kebobrokan dan malu besar kerana telah menjadi kleptokrasi global.

Malaysia juga telah mengalami kejatuhan kedudukan dalam Indeks Persepsi Rasuah (CPI) Transparency International 2016. Pada awal alaf baru, kedudukan Malaysia dalam CPI TI adalah di tangga ke-36 daripada 91 negara pada 2001, dan mencatat markah 50 daripada 100. Tetapi bagi CPI TI 2016, kedudukan Malaysia merudum ke tangga 55 daripada 176 negara dengan markah 49 daripada 100. Pada 2015, Malaysia jatuh ke tangga

54 daripada 50 pada tahun sebelumnya.

Matawang Ringgit Malaysia pula memulakan Tahun Baru dengan mencatatkan sejarah terburuk sejak krisis kewangan Asia 1998 apabila nilainya jatuh kepada RM4.5002 berbanding Dollar Amerika. Ini petanda tahun kegawatan ekonomi untuk rakyat Malaysia. Kita perlu menangani nilai Ringgit yang sedang jatuh, kenaikan kos sara hidup yang semakin meningkat dengan kenaikan harga barang dan perkhidmatan seperti makanan dan petrol, dan kesengsaraan hidup akibat Cukai Barang dan Perkhidmatan (GST).

Kita perlu memastikan adanya pengangkutan awam, perkhidmatan kesihatan, pendidikan dan perumahan yang lebih baik untuk semua rakyat Malaysia dengan mempunyai inisiatif negara kebijakan yang dinamik yang memenuhi keperluan penduduk di kawasan bandar, separa bandar dan luar bandar. Kita perlu jujur mendengar suara golongan terpinggir termasuk Orang Asal Malaysia bagi memenuhi hasrat dan keperluan mereka.

Kita perlu menyediakan pekerjaan yang lebih baik, kenaikan gaji, pertambahan kemahiran, produktiviti yang lebih tinggi, pertumbuhan, inovasi dan mutu kehidupan yang lebih baik.

Sistem Persekutuan atau Federalisme Malaysia memihak kepada Kerajaan Persekutuan yang menjaskannya hak-hak negeri. Rasa tidak puas hati di peringkat negeri adalah amat serius, dan dengan

itu wujud keperluan ke arah satu Tawaran Baru untuk Sabah dan Sarawak, selain satu bentuk federalisme baru untuk negeri-negeri di Semenanjung. Kita mesti memastikan Sabah dan Sarawak mempunyai autonomi yang luas dalam pelbagai bidang termasuk pendidikan, kesihatan, perkhidmatan awam, infrastruktur, pengangkutan. Sabah dan Sarawak juga mesti menerima bahagian kutipan hasil cukai yang adil untuk membiayai bidang-bidang kecekapan yang berautonomi itu.

Malaysia tidak akan berada dalam sengsara krisis keyakinan politik, ekonomi dan pembinaan negara jika kita tidak tersasar daripada prinsip-prinsip Rukunegara; malah tentunya kita tidak akan menjadi kleptokrasi global yang kini menjurus ke arah negara gagal, negara penyangak. Rakyat Malaysia perlu mencari jalan untuk kembali kepada matlamat utama nasional yang dicerminkan oleh Perlembagaan dan Rukunegara.

Kita perlu memulihkan kedaulatan undang-undang, pemisahan kuasa, dan pentadbiran baik untuk membolehkan kita kembali kepada asas prinsip-prinsip Perlembagaan. Kita perlu bekerjasama untuk menghapuskan semua undang-undang zalim dan perjanjian tidak adil yang dipersetujui baru-baru ini yang telah melanggar hak asasi yang dijamin oleh Perlembagaan Persekutuan.

Kita perlu memulihkan kewibawaan institusi-institusi yang telah diketepikan integriti mereka seperti Parlimen, Polis, Suruhanjaya Anti-Rasuah Malaysia (SPRM), Bank Negara, Jawatankuasa Kira-Kira Wang Negara (PAC), dan banyak lagi.

Maka hari ini kita menegaskan kesungguhan dan ikrar untuk melakukan yang terbaik, bekerjasama sebagai rakyat Malaysia yang prihatin dan penyayang, bagi membina Malaysia yang benar-benar bersatu, aman dan lebih baik. Dengan ini kita mengajak setiap warga Malaysia yang setia dan patriotik – tanpa mengira pegangan politik – untuk bersama kita bagi memastikan esok yang lebih baik untuk Malaysia.

# ZAID IBRAHIM, PRIMADONA POLITIK ATAU ‘TEAM PLAYER’?

Oleh IZMIL AMRI

**U**mum jarang peduli dengan kemasukan orang biasa ke dalam parti politik. Apatah lagi DAP. Bila peniaga gerai, buruh kasar, anak muda main gitar tepi sawah isi borang DAP; tidak ada sesiapa peduli pun mahu bertanya ‘Apa yang awak boleh sumbang kepada DAP?’ Kita pakat-pakat faham bahawa kemasukan itu sekadar untuk menyatakan sokongan. Tiada rencana panjang mahu memperoleh pengaruh dan kuasa.

Justeru tidak hairan apabila sosok seperti Datuk Zaid Ibrahim hari ini menghantar permohonannya untuk ikut bergabung dengan DAP, habis semuanya resah dan gelisah tentang apa tujuan sebenar bagi Zaid untuk menyertai parti tersebut.

Zaid sudah bertukar parti politik dari UMNO, ke Parti Keadilan Rakyat, kemudian meninggalkan parti itu untuk menubuhkan partinya sendiri yang dinamakan KITA, dan kemudian kini beralih menuju DAP. Lebih hairan lagi, beliau memilih DAP, ketimbang parti baru Tun Mahathir.

Sebagai mukadimah sembang-sebang kami sehari sebelum Zaid mengumumkan masuk DAP, beliau menegaskan bahawa beliau tidak meninggalkan UMNO.

“Itu jauh berbeza. Saya dipecat dari UMNO, disebabkan pendirian saya tentang ISA (Akta Keselamatan Dalam Negeri). Saya tidak keluar dari UMNO”

“Tapi ya, saya meninggalkan PKR,” ujarnya, sambil menambah bahawa hubungan beliau dengan Datuk Seri Anwar dan rakan-rakan parti tersebut masih baik seperti biasa.

Bagi beliau, menyertai DAP erti menyumbang kepada koalisi besar pembangkang dalam Pakatan Harapan menjelang Pilihanraya Umum ke-14 yang bakal tiba tidak berapa lama saja lagi.

“Saya pasti akan bercakap dengan orang Melayu bahawa DAP ialah sebuah parti yang bagus.

“Ia sebuah parti yang moden dan progresif. Saya akan pasti cuba untuk memujuk sokongan orang Melayu terhadap DAP. Mungkin sebahagian akan ikut menyertai parti,” katanya sambil menyaksikan persiapan untuk sidang media khasnya.

Sidang media yang sepatutnya berlangsung di sebuah kelab, akhirnya terpaksa dipindah ke kediaman beliau sekeluarga pada saat akhir. Zaid mengandaikan terdapat campur tangan UMNO dalam perpindahan tergesa-gesa itu lantaran ketakutan parti tersebut terhadap peningkatan sokongan Melayu kepada DAP.

“DAP sentiasa konsisten melawan rasuah, dan itu sangat bagus,” tambahnya.

“Negara kita sedang berhadapan masalah rasuah. DAP lebih terkedepan dan sentiasa konsisten dalam penentangannya terhadap rasuah dan salah guna kuasa.”



**“DAP sentiasa konsisten melawan rasuah, dan itu sangat bagus. Negara kita sedang berhadapan masalah rasuah. DAP lebih terkedepan dan sentiasa konsisten dalam penentangannya terhadap rasuah dan salah guna kuasa.”**

Selama meninggalkan PKR dan kemudian menubuhkan parti sendiri, Zaid sentiasa diperlihatkan sebagai ahli politik yang tidak serius dan banyak main-main. Persepsi negatif itu dilanjutkan oleh UMNO dalam rangka membingkaikan Zaid sebagai watak jahat yang bertentangan dengan parti itu dan agendanya.

“Tetapi saya memang ahli politik yang serius. Saya bukan macam Tunku Aziz. Saya tidak memburukkan parti yang saya tinggalkan. Itu beza antara saya dengan Tunku Aziz.

“Sepatutnya orang menilai saya berdasarkan prinsip yang saya pegang. Lihat kepada pendirian dan kepercayaan saya, bukan kerana saya meninggalkan PKR.”

Bagi beliau, tindakannya meninggalkan parti itu adalah perkara lampau, dan tidak ada masalah peribadi antara beliau dan pimpinan.

“Saya bertanding, tetapi tidak bermakna dia musuh saya,” katanya merujuk kepada Datuk Seri Azmin Ali,

Timbalan Presiden PKR yang pernah ditentangnya dalam pemilihan parti tersebut pada tahun 2010.

Baginya juga, kedudukan dan jawatan bukanlah perkara utama.

“Siapa yang meletakkan jawatan sebagai menteri dalam negara ini atas sebab prinsip? Hanya saya sahaja dalam sejarah negara ini. Jadi apa lagi yang mesti saya buktikan?”

Bagi beliau, propaganda UMNO telah berlanjutan untuk satu tempoh masa yang sangat panjang, dan ia memberi kesan kepada mentaliti politik orang Melayu. Mentaliti tersebut harus ditentang dengan berkomunikasi dengan mereka yang telah membina persepsi masing-masing tanpa sebarang asas.

“Kadang-kadang mereka mempunyai pendirian tentang satu-satu hal, tanpa tahu sebabnya atau kerana mereka sekadar diberitahu begitu.

“Menjadi tanggungjawab kita untuk bercakap dengan mereka, terutamanya untuk meyakinkan orang Melayu,” kata beliau, yang telah meninggalkan kerjaya guaman tujuh tahun lalu.

Bagi beliau yang kini beusia 65 tahun, parti masa depan untuk Malaysia ialah parti yang jujur dan bersih, pentadbirannya bertanggungjawab dan adil kepada semua. Ini prinsip asas urus tadbir yang baik.

“Apa yang dimainkan sekarang ialah politik ketakutan, dan atas sebab itu, kita mesti turun dan memujuk hati orang ramai.”

“Bukan baru sekarang saya mula untuk memujuk ketakutan orang Melayu (terhadap kaum dan agama), bukan hanya sebab saya masuk DAP.

“Saya sudah sebut benda ini selama bertahun-tahun. Politik ketakutan langsung tidak membantu orang Melayu,” tegasnya.

Baginya kedua-dua PAS dan UMNO, yang kini nampak bahagia bersama,

sedang menggunakan idea-idea lapuk. PAS menggunakan tafsiran agamanya sendiri, untuk memupuk ketakutan.

“Mereka tidak ada perancangan ekonomi atau pendidikan. Mereka tidak peduli tentang kebajikan masyarakat. Parti yang semacam itu tidak berguna kepada orang ramai. Ia tidak akan membantu orang Melayu dalam jangka masa panjang.

“UMNO juga sama tak guna kerana amalan politik wang dan salahguna kuasa.

“Mereka mengaku pembela bangsa Melayu, tetapi bagaimana muhu membela bangsa jika merompak harta mereka?” soalnya tegas.

Kedua-dua parti katanya akan menjadi tidak relevan dalam beberapa masa lagi, dan menjadi tugasnya untuk menjelaskan pandangan dan pendapat alternatif bagi politik orang Melayu dan rakyat Malaysia.

Namun menurut Zaid, keadaan politik parti-parti pembangkang kini sedikit serabut, ekoran kegigihan Tan Sri Muhyiddin Yassin untuk cuba mendekati PAS. Pun begitu beliau percaya bahawa Tun Mahathir mempunyai pendapat yang lebih kuat bahawa kita tidak boleh lagi mempercayai PAS, malah PAS sendiri pun tidak muhu kepada Tun M.

“Adalah lebih baik untuk kita mengetahui siapa sebenarnya kawan dan lawan dan mencari platform sepunya. Dengan PAS, kita akan mendapat masalah.”

Melihat kepada kedudukan parti baru Mahathir yang kian mengisi vakum kepimpinan Melayu, Zaid merasakan kemasukan beliau ke dalam DAP akan tambah memperkuatkan pengaruh politik pembangkang terhadap pengundi Melayu yang kian menolak UMNO.

“Saya boleh bekerjasama dengan para progresif dalam Bersatu dan Amanah, dan bersama-sama kita akan mampu mendapatkan undi Melayu.”

Dalam reaksi kepada penyertaan bekas menteri UMNO itu ke dalam DAP, Ketua Parlimennya Lim Kit Siang menasihati beliau agar bekerjasama dengan setiap lapis anggota dan pimpinan parti.

“Zaid perlu mainkan peranan sebagai ‘team player’ dan bukan primadona,” ujar Ahli Parlimen Gelang Patah itu, disambut gelak ketawa hadirin yang memenuhi ruang tamu kediaman Zaid.

Bagi Tun Mahathir pula, penyertaan Zaid ke dalam DAP adalah suatu perkara ganjil.

“Tapi di negara ini ada banyak perkara ganjil. Seperti penyangak jadi perdana menteri. Dunia pun hairan kenapa negara kita masih simpan,” kata beliau yang menerajui negara selama lebih 20 tahun sebagai Perdana Menteri keempat.

Mahathir turut menegaskan bahawa DAP yang dahulu disebutnya sebuah parti cauvinis Cina, sebenarnya adalah sebuah parti berbilang kaum.

“Saya harap Zaid duduk dalam DAP lama sikit,” sindir beliau.

## DAP UTAMAKAN KEPENTINGAN MALAYSIA, BUKAN CHINA

Oleh TONY PUA

**S**alah satu soalan yang kerap ditanya oleh editor media Cina adalah, “mengapa DAP amat menentang pelaburan China di negara ini?”

Setiap kali, saya kena tegaskan, bahawa kita tidak menentang pelaburan China atau dari mana-mana negara lain. Tetapi ia mestilah berbentuk pelaburan – bermakna China yang harus mengeluarkan wang. Ia tidak boleh menjadi sebuah ‘pelaburan’ yang dibayar oleh rakyat Malaysia, tetapi dirangka kononnya sebagai ‘pelaburan China’.

Contohnya, projek Landasan Keretapi Pantai Timur (ECRL). Ia BUKAN pelaburan China. Sebaliknya kerajaan Malaysia yang menganugerahkan kontrak RM55 bilion itu kepada syarikat kepunyaan China.

Mahupun ia berbentuk kontrak, ia mesti menunjukkan nilai sepatutkan (“value for money”) untuk rakyat Malaysia. Mengapa ECRL berjumlah RM55 bilion itu dianugerahkan tanpa tender terbuka kepada China? Apakah lagi perunding kerajaan telah menganggarkan kos projek tidak melebihi RM30 bilion? Ke mana pergiya baki sebanyak RM25 bilion? Bayar hutang 1MDB?

Jangan lupa, projek ini dibiayai oleh pinjaman ‘murah hati’ dari bank kepunyaan negara China. Ia kena dibayar balik oleh generasi pembayar cukai masa depan. Adakah kita sedang mengorbankan kepentingan anak-cucu kita demi projek separuh masak dan untuk menutup skandal?

Seperti apa yang telah dijelaskan



**Jangan lupa, projek ini dibiayai oleh pinjaman ‘murah hati’ dari bank kepunyaan negara China. Ia kena dibayar balik oleh generasi pembayar cukai masa depan. Adakah kita sedang mengorbankan kepentingan anak-cucu kita demi projek separuh masak dan untuk menutup skandal?**

dengan baik oleh rakan seperjuangan saya, YB Liew Chin Tong, Malaysia berhak dan mampu memilih jenis pelaburan yang sesuai. Kita tak perlukan projek pelaburan asing yang memusnahkan industri harta tanah seperti Forest City sedangkan kita tidak kekurangan kepakaran dalam sektor pembangunan harta tanah.

Sebaliknya, mengapa syarikat teknologi China yang terkemuka, Huawei tidak membina pusat reka bentuk atau kilang pembuatannya di Malaysia?

Sebelum rakyat Malaysia, mahupun kaum Cina atau yang lain, terbawa-bawa dengan keghairahan pelaburan China, harus diingat sebahagian besarnya

cumalah gembar-gembur. Gabungkan semua nilai MOU, tidak kira kontrak atau pelaburan, sensasikannya dan tada.. BN harap memenangi hati rakyat Malaysia – walaupun kebanyakannya tidak akan direalisasikan.

Masih ingatkah tidak lama dulu semasa pentadbiran Najib gembar-gemburkan pelaburan dari Timur Tengah? Mana hilangnya pelaburan itu sekarang?

Yang paling berbahaya, kita harus berwaspada dengan sesiapa pihak yang membawa ‘hadiyah’ palsu atau janji manis. Apa yang China peduli bukanlah kesejahteraan rakyat Malaysia, tetapi mengukuhkan kepentingan strategiknya.

Tanpa sedar, kita bukan saja akan hilang semua kepentingan strategik seperti aset minyak di kawasan kepulauan Spratlys, kita juga akan menjadi negara naungan China. Kita akan dipaksa mengikut rentaknya, sama seperti apa yang berlaku dulu semasa zaman kesultanan Melaka.

BN dan MCA boleh politikkan kaum dan mencetuskan hasutan emosi dengan menyalahkan DAP kerana ragu-ragu dengan pelaburan China, tetapi tindakan mereka itu sebenarnya mendedahkan sikap hipokrit mereka sendiri yang tidak menghiraukan kepentingan negara.

Tetapi saya dan rakan-rakan seperjuangan DAP adalah terlebih dahulu merupakan rakyat Malaysia. Kepentingan negara kita yang mesti diutamakan, tidak kira lah berhadapan ‘pelaburan’ China atau sebaliknya.

\*Tony Pua adalah Ahli Parlimen Petaling Jaya Utara merangkap Setiausaha Publisiti DAP Kebangsaan

## Warga Felda bangkit, tidak hirau ugutan Umno

JENGKA: Kehadiran ribuan warga Felda Jengka 8 ke program Jelajah Semarak Kasih Felda baru-baru ini membuktikan warga Felda tidak gentar dengan ‘ugutan’ yang sering mereka hadapi selama ini.

Malah, mereka terus memenuhi ceramah anjuran Persatuan Anak Peneroka Felda Kebangsaan (ANAK) dan Parti Pribumi Bersatu Malaysia (PPBM) itu walaupun sebuah persatuan pro-UMNO turut mengadakan program menawarkan pelbagai hadiah lumayan hanya beberapa ratus meter dari tapak ceramah.

Dalam majlis itu, ia menyaksikan pelancaran Kempen Bantahan pembelian Ladang Pt Eagle High Plantation oleh Timbalan Presiden PPBM, Datuk Seri Mukhriz Tun Mahathir.

Selain Mukhriz, pemimpin utama yang hadir ialah Pengurus ANAK, Mazlan Aliman; Pengurus PKR Pahang Datuk Fauzi Abd Rahman, Pengurus Amanah Pahang, Dr Hamzah Jaafar, Datuk Zaid Ibrahim, Pengurus Biro Felda DAP, Datuk Mohd Ariff Sabri dan ramai lagi.

Menurut Ariff Sabri, kehadiran warga Felda yang memberangsangkan itu merupakan petanda mereka semakin berani menyatakan pendirian terhadap segala masalah yang melanda urus tadbir Felda dan negara.



Gempur kubu UMNO di tanah rancangan. Di Felda Taib Andak Kulai Johor, 352 ahli UMNO umumkan keluar parti dan menyertai Parti Pribumi Bersatu Malaysia.

“Selama ini peneroka dan warga Felda diugut dan diancam dengan pelbagai peraturan. Buang dari rancanganlah, susah anak nak dapat bantuanlah. Orang Melayu ugut orang Melayu,” katanya ketika dihubungi The Rocket.

Ahli Parlimen Raub itu menjelaskan

para peneroka juga tidak perlu gusar jika pembangkang menang dalam pilihan raya umum akan datang kerana semua tanah rancangan tetap akan dipelihara.

“Yang takut berlakunya perubahan kerajaan ialah orang yang ada kepentingan.

**“Selama ini peneroka dan warga Felda diugut dan diancam dengan pelbagai peraturan. Buang dari rancanganlah, susah anak nak dapat bantuanlah. Orang Melayu ugut orang Melayu”**

- ARIFF SABRI  
AHLI PARLIMEN RAUB

“Yang takut kerajaan baru ialah golongan berkepentingan yang menjadikan Felda sebagai sumber mencuri wang. Mereka yang korup dan menggunakan kedudukan dan jawatan mengaut duit Felda, merekalah yang takut,” katanya.

# Projek air graviti Impian Sabah: Kemarau di Mukim Bunga Raya Keningau sudah berakhir

Oleh KAMSI AHMAD  
& HAFIZ ZAINUDDIN

KENINGAU: Hampir empat dekad menunggu, penduduk-penduduk Mukim Bunga Raya kini boleh menikmati bekalan air bersih apabila Projek Air Graviti Talayon Tanaru siap dan boleh digunakan sepenuhnya.

Sistem Agihan Air Graviti yang mencatat rekod terpanjang di Malaysia ini dirasmikan 14 Januari 2017 oleh Setiausaha Publisiti DAP Kebangsaan, Tony Pua dalam sebuah majlis sederhana tetapi meriah dengan kehadiran penduduk dan pemimpin setempat dan DAP Sabah yang lain.

Projek ini merupakan inisiatif DAP dan Impian Sabah dan menelan belanja berjumlah lebih RM267,000 melibatkan penyambungan paip meliputi lima kampung iaitu Kampung Melidang, Nahaba Baru, Bunga Raya, Kodop Baru dan Tonobon Baru.

Pembinaan sistem paip air graviti yang mencatat rekod terpanjang di Malaysia itu berjaya disiapkan dalam tempoh kurang daripada dua bulan.

Selain memberi kemudahan kepada 282 buah keluarga dengan jumlah sekitar 2,000 penduduk, projek tersebut turut menyalurkan air untuk kegunaan Sekolah Kebangsaan Bunga Raya, Klinik Desa Bunga Raya, dewan serbaguna, beberapa balai raya, sebuah surau dan empat buah gereja.

Apa yang menyediakan sebelum ini, walaupun hanya memakan masa 15 minit perjalanan dari Bandar Keningau, bekalan air bersih yang sepatutnya dinikmati penduduk di sini sejak puluhan tahun lalu umpama impian kosong.

Dengan adanya sistem air ini, penduduk tidak lagi terbeban dengan 'kemarau air' yang telah berlanjut sejak puluhan tahun di kawasan itu. Ia dibina melalui konsep gotong-royong melibatkan kira-kira 250 orang penduduk Mukim Bunga Raya. Turut membantu ialah para sukarelawan Impian Sabah yang datang dari serata Malaysia.

## DAP buat kerja, bukan sekadar bercakap

KENINGAU: Penduduk tidak lagi perlu bersusah payah mengangkut air atau menadah baldi dan tangki menunggu hujan turun.

Hajat mereka selama lima dekad sudah tercapai apabila DAP dan Impian Sabah merealisasikan impian mereka untuk menikmati bekalan air terus ke rumah mereka di lima buah kampung dalam Mukim Bunga Raya.

Dalam ucapan perasmianya, Setiausaha Publisiti DAP Kebangsaan, Tony Pua berkata, projek ini merupakan yang terbesar dilaksanakan pada waktu ini dengan kos 'hanya' RM267,000.

"Masa yang sama penduduk kampung, orang Sabah, mendapati ada pegawai di Jabatan Air Sabah menyonggol lebih RM100 juta seperti wang tunai yang ditemui dalam cabinet pejabat.

"Manakala berbilion lagi peruntukan untuk pembangunan infrastruktur air luar bandar telah pun lesap akibat rasuah dan penyelewengan," katanya.

Pengerusi DAP Sabah, Stephen



Wong Tien Fatt dalam ucapannya berkata, ketiadaan kemudahan asas kepada penduduk luar bandar di Sabah membuktikan kegagalan kerajaan BN membantu rakyat.

Beliau pada masa yang sama menyelar Tan Sri Joseph Pairin Kitingan yang gagal melaksanakan tanggung-jawab selaku Menteri Pembangunan Infrastruktur dan juga memegang portfolio sebagai Ahli Parlimen Keningau sejak tahun 1986.

"Saya sedih dan tidak tahu bagaimana

hendak menggambarkan perkara ini. Pairin telah berkali-kali diberikan mandat oleh rakyat tetapi masih gagal melaksanakan misi pembangunan infrastruktur asas di sini," katanya yang juga Ahli Parlimen Sandakan.

Setiausaha DAP Sabah, Chan Foong Hin berkata, masyarakat di kawasan luar bandar sepatutnya berhak untuk menikmati bekalan air bersih sama seperti yang tinggal di bandar.

"Tetapi mereka yang tinggal di kawasan

luar bandar dibiarkan terbelenggu dengan kemiskinan agar sentiasa mengharapkan ihsan daripada kerajaan," katanya.

Menurut Adun Sri Tanjung itu, usaha DAP dan Impian Sabah menyediakan kemudahan asas kepada masyarakat yang terpinggir merupakan sebuah usaha untuk memberdayakan masyarakat.

Pengerusi DAP Keningau, Peter Saily pula menyebut bahawa kewujudan sistem bekalan air graviti ini amat bermanfaat kepada penduduk-penduduk Mukim Bunga Raya.

"Sebelum ini, penduduk-penduduk di sini mengalami kepahayahan mendapatkan air bersih terutama ketika muslim kemarau."

"Mereka terpaksa memberi air daripada pihak luar yang mencecah harga RM 40 untuk satu tangki. Mereka juga yang terpaksa berjalan kaki jauh mencari sumber air untuk kegunaan mandi, membasuh pakaian dan pinggan manguk," kata beliau.

Turut hadir dalam majlis perasmian bersejarah itu ialah Penasihat DAP Sabah, Jimmy Wong Sze Phin, Timbalan Pengerusi DAP Sabah, Dr Edwin Bosi dan pimpinan DAP peringkat tempatan dan negeri.



## DAP BANTAH DASAR ANTI-PELARIAN DONALD TRUMP

KUALA LUMPUR: Ratusan penyokong mengiringi pemimpin Pakatan Harapan-Parti Pribumi Bersatu Malaysia (PBBM) menyerahkan memorandum bantahan ke atas perintah eksekutif Presiden Amerika Syarikat (AS), Donald Trump.

Perintah yang dikeluarkan setelah tak sampai dua minggu Trump mengangkat sumpah presiden itu menyaksikan larangan masuk yang dikuatkuasakan negara berkenaan terhadap rakyat dari tujuh negara yang majoritinya beragama Islam.

Orang ramai yang berkumpul selepas solat Jumaat di perkarangan Masjid Tabung Haji di Jalan Tun Razak dekat

sini hari ini kemudiannya berarak sejauh 600 meter ke Kedutaan AS sambil melaungkan slogan "No Ban, No Wall" dan mengangkat pelbagai sepanduk.

Turut kelihatan, anak mantan Perdana Menteri, Marina Tun Mahathir Mohamed, penyokong Parti Pribumi Perkasa (PERKASA) dan Angkatan Belia Islam Malaysia (ABIM).

Ahli Parlimen DAP dari kawasan Petaling Jaya Utara, Tony Pua ketika ditemui pemberita berkata, dasar tidak demokratik yang dilaksanakan Trump itu bukan sahaja dilihat dunia sebagai diskriminasi terhadap umat Islam, malahan kemanusiaan secara

keseluruhannya.

Namun, dalam kemarahan masyarakat dunia terhadap langkah sekatan itu, katanya, sikap berdiam diri Perdana Menteri, Datuk Seri Najib Razak sehingga kini menimbulkan tanda tanya.

"Mengapakah Najib sehingga kini masih tidak kata apa-apa? Adakah kerana beliau takut dengan pihak berkuasa AS yang kini sedang menyiasat skandal melibatkan 1MDB?" soalnya.

Pemimpin utama lain yang turut serta dalam perhimpunan berkenaan adalah Presiden Parti Amanah Negara (AMANAH), Mohammad Sabu dan

Setiausaha Sekretariat Pakatan Harapan, Datuk Saifuddin Abdullah.

Trump, pada Jumaat lepas, mengeluarkan sekatan masuk 90 hari ke atas rakyat Iraq, Iran, Somalia, Syria, Libya dan Sudan dengan alasan untuk membendung "keganasan Islamis radikal", malah turut menggantung program pelarian selama 120 hari.

Memorandum yang diserahkan Adun DAP Kawasan Pasir Pinji, Howard Lee kepada wakil Kedutaan AS itu antara lain menuntut agar arahan sekatan itu ditarik balik serta mengesah supaya AS menghormati Deklarasi Hak Asasi Manusia Sejak 1948.

### SIDANG EDITORIAL

EDITOR • IZMIL AMRI WARTAWAN • HAFIZ ZAINUDDIN • FATHI HASSAN NORDIN • SYAZANA HASANUDDIN JURUGAMBAR • AHMAD YUSUF GRAFIK • WAHYUDI YUNUS